

17.
COMMENTATIONEM
AD
TITULUM CODICIS
DE
MATHEMATICIS
MALEFICIS ET CETERIS
SIMILIBUS

PRÆSIDE
LÜDERO MENCKENIO JCTO
CONSILIAR. REG. POLON. ET ELECT. SAXON.
DECRETALIUM PROF. PUBL. ET FACULTATIS JURIDICÆ
LIPSIENSIS ORDINARIO, &c.

PRÆCEPTORE SUO MAXIMOPERE
COLENDO,

IN
AUDITORIO JCTORUM
EXCUTIENDAM PUBLICE PROPONET
AUCTOR ET RESPONDENS
JACOB. BENEDICTUS WINCKLERUS
LIPSIENSIS

D. II. AUGUST. AN. MDCCXXV
H. L. Q. C

L I P S I Æ
LITERIS IMMANUELIS TITII

COMMENTATIONEM

TITULUM CODICIS

MATHEMATICIS

MALFICIS ET CETERIS

SIMILIBUS

DE


LUDERO MACKENIO ICTO

7440-4495

A. 7026

BK

AUDITORIO ICTO





SUMMA DISPUTATIONIS.

- §. I. *Commendatur causa propositi ab usu forensi,*
§. II. *Politico.*
§. III. *Quos veteres,*
§. IV. *Quos leges dicant Mathematicos.*
§. V. *Horum definitio ejusque*
§. VI. VII. VIII. IX. X. *Explicatio,*
§. XI. XII. *Sejunguntur Chaldaei, ab arte ita dicti, a gente*
Chaldaeorum.
§. XIII. *Conjectura de origine hujus studii.*
§. XIV. *De Maleficis, & voce Malefici in genere,*
§. XV. *In specie. Comprobatur sententia legibus,*
§. XVI. *Latini sermonis consuetudine.*
§. XVII. *Divisio Magiae. Demonstratur exemplis,*
§. XVIII. XIX. XX. XXI. *Quae magis facta Romani attri-*
buerint.

§. XXII. XXIII. XXIV. *Conciliatur cum opinione nostra Lex
secunda,*

§. XXV. *Et quinta.*

§. XXVI. *Quae facta a maleficii crimine leges eximant.*

§. XXVII. *Quid olim fuerint magi.*

§. XXVIII. *De ceteris similibus,*

§. XXIX. *De haruspibus, eorumque etymologia, ori-
gine,*

§. XXX. *Opera in extis inspiciendis.*

§. XXXI. *In ostentis,*

§. XXXII. *In prodigiis,*

§. XXXIII. *In portentis procurandis.*

§. XXXIV. *Denique de eorum usu, & auctoritate in Roma-
na Republica.*

§. XXXV. *De Sacerdotibus, eorumque ministris,*

§. XXXVI. *De ariolis,*

§. XXXVII. *Vatibus,*

§. XXXVIII. XXXIX. *Auguribus, eorumque origine, etymo,
studio & auctoritate.*

§. XL. *De reliqua ceterorum similium turba.*

§. XLI. *Ratio legum theologica,*

§. XLII. *Ratio politica de mathematicis,*

§. XLIII. *De vatibus ariolisque,*

§. XLIV. *De magis,*

§. XLV. *De auguribus,*

§. XLVI.

- §. XLVI. XLVII. De pœna horum criminum, Roma adhuc
experte,
- §. XLVIII. XLIX. Roma jam particeps christiani ritus.
- §. L. LI. Explicantur hujus tituli leges. De pœna Mathematicis, Mathematicosque consulentibus, a Constantio,
- §. LII. A Theodosio constituta. Cur Theodosius Constantio
derogasse existimandus sit.
- §. LIII. Recitatur Lex ipsa.
- §. LIV. LV. Quo exilii genere Mathematicus pellatur.
- §. LVI. Amplior legis explicatio, inprimis verbi insinuaverit & professionis.
- §. LVII. De supplicio maleficorum, & eorum, qui maleficorum opera utuntur. Enarratur lex ipsa.
- §. LVIII. De peste ferali sententia Accursii, a qua recedimus.
- §. LIX. Sententia Dionysii Gothofredi de eadem re.
- §. LX. De opinione Jacobi Gothofredi & nostra.
- §. LXI. Ejusdem legis explanatio, præcipue verbi ventilare.
- §. LXII. Qui magi a peste ferali liberentur.
- §. LXIII. Alia Lex de Magis accusandis, & non occidendis,
- §. LXIV. Ejusque illustratio, præsertim vocis: agitatorum.
- §. LXV. De pœna ceterorum similium, eosque consulentium.
- §. LXVI. Explanatur Lex quinta.
- §. LXVII. De supplicio haruspicum,
- §. LXVIII. Sacerdotum,

§. LXIX. De pœna illius, qui cum haruspice commercium habuit.

§. LXX. Illustratur adhuc Lèx tertia.

§. LXXI. De tormentis, & quid iudici observandum sit.

§. LXXII. Qui a tormentis immunitatem habeant. Et quibus casibus nemo a tormentis

§. LXXIII. Possit excusari. Explicatur Lex septima.

§. LXXIV. Explanantur verba Comitatus Augusti & Cæsaris.

§. LXXV. Verba ad proprium facinus.

§. LXXVI. De flagitio docentium & istas artes discientium.

§. LXXVII. De libris lectionis improbatæ tollendis, & de iactura librorum exinde orta.

§. LXXVIII. De aliis effectibus, qui ex eis criminibus oriuntur.

§. LXXIX. LXXX. LXXXI. LXXXII. Quomodo cum de criminibus in genere, tum ex legibus explicatis de criminibus mathematicorum, maleficorum ceterorumque similium judicandum sit.

§. LXXXIII. LXXXIV. Quid jure Patrio de his sceleribus statuatur.

§. I.



Um illud forte tractaremus volum-
men, quod a Justiniano compo-
situm est, ejusque nuncupatur
Codex, contigit, ut incidere-
mus in leges, quibus *mathe-*
maticorum maleficorumque cri-
mina refrenantur, & quibus in-
scriptum est, (a) de *mathema-*

(a) Vid. Lib. Cod. 9
t. 18.

zicis, maleficis & ceteris similibus. Evenit autem, cum in
hoc versaremur labore, ut nobis non pauca se offerrent,
quæ lucis indigere viderentur, essentque incitamento, ut
pro eo, quod in nobis situm est, quamvis sit illud exiguum,
istam rem explicare conaremur. Accessit, quod hæc fa-
cinora ætate nostra non sint incognita. Haud infrequens
in judiciis mentio sacrorum, quibus creduli homines ad
inveniendos utuntur (b) thesauros. Non insolens est (b) C. de Thesauris.
plebis concursus ad mulierculas, quas sagas vocant, quas
ea, simul ac de supellectile, seu alia re familiari quadam
surrepta sunt, de fure consulit. Ominibus quoque, præ-
dictionibus, aliisque nugis fides nondum penitus abrogata
est.

§. II.

Scelera etiam ista civitatibus non sunt omnino ne-
gligenda. Ut enim omittam, Deum immortalem magno
odio (a) illa habere crimina, multumque ea incommodi (a) Vid. §. 41. infra.
aliis intulisse gentibus, quarum res gestas, ut imaginem
futuri, prudentissimus quisque intuetur, ad patriæ tan-
tum nostræ tempora respiciamus. (b) Quid enim alen- (b) SLEID. ad an. 1535.
dis turbis, quibus Monasterium olim agitatum est, im-
proba-

(c) Vid. §. 41. seqq.

proborum vaticinatione fuit aptius? (c) Sed ad rem potius ipsam progrediamur.

§. III.

(a) L. 1. C. 9. L. 14. C. 3. no. Att.

Legibus, quas illustrare cogitamus, ita inscriptum est: *de mathematicis, maleficis & ceteris similibus*. Unde Mathematicus nomen sortitus fit, exponit (a) Gellius, qui artes, ab ipsis factitatas, *Gnomonicam, Geometriam, Musicam, ceterasque altiores disciplinas* *μαθηματικὰ* a Græcis docet esse appellata. Egregie de iis Tullius, quis, ait, ne-

(b) L. 1. c. 10. CIC. de Orat. idem L. 1. Tusculan. Quæst. C. 3. edit. Hamburg. an. 1618.

(c) L. 2. Manuduct. ad Stoic. discipl. diff. 5. v. ut cælestes motus.

sciat, quanta, (b) qui *Mathematici* vocantur, in obscuritate rerum, quam recondita in arte, ac multiplici subtilitate versentur. Nec illepide de illis Lipsius, (c) *qui in rebus quidem sine corpore, sed in corpore tamen consideratis occupantur*. Non est causa, ut pluribus hæc persequamur, cum qua scientia Mathematicus ornari debeat, quantumque ille ad res civitatis adjumenti afferat, perspectum sit.

§. IV.

(a) L. 2. C. de malef. & mathem.

(b) L. 1. pr. ff. de extraord. cogn.

Verum de his hic sermo non est id quod facile apparet ex ordine, quo mathematicum cum maleficis & ceteris similibus leges hoc loco copulant. Quin (a) Geometriam, Mathematicorum disciplinæ partem, disci ac doceri publice interest, accenseturque ea artibus (b) liberalibus. Azo etiam hujus rei non fuit ignarus. Pro captu enim suo illum, qui *Mathematicus* hic appellatur, addita litera spirante, scribendum existimat. Credebat scilicet, (c) *quod scire faciat matesis, sed divinare matematis*. Illud præterire nolimus, (d) Geometras a tutelæ munere immunes non esse, si id, quod Pandectæ statuunt, intueamur, quamvis idem liber (e) multis, qui dignitate potiores non sunt, vacationem ab eo onere concedat.

(c) Vid. Gloss. ad hunc titulum.

(d) L. 22. ff. de Excusat.

(e) L. 6. §. 1. ff. eod.

Postea

Postea tamen hac immunitate eos gaudere voluerunt
Constantinus (f) & Constans.

(f) L. 2. C. de Excus.
artif.

§. V.

Sed huc referendi sunt illi, quibus, profitentibus
scientiam futuri, certis tamen finibus inclusam, nomen
Mathematici a vulgo tributum est. Nec enim, nisi divinan-
di pruritus hoc vocabulo significaretur, SUETONIUS (a)
veraculos, (b) ULPIANUS vaticinatores, qui se plenos Dei
simulant, cum Mathematicis conjunxissent. (c) Sic apud
PETRONIUM: *Nec auguria novi, nec mathematicorum*
caelum curare soleo, sed ex vultu tamen hominum mores col-
ligo: Idemque, laudamus, (d) ait, urbanitatem Mathema-
tici. Hujus autem generis mathematicos hoc loco de-
notari, ex verbis illis legum, (e) *nemo mathematicum con-*
sulat, fileat omnibus perpetuo divinandi curiositas, clare
elucet.

(a) in Vitell. C. 14. edi-
tionis Grævii. vid. CA-
SAUBON. in not.
(b) apud Auct. Collat.
LL. Roman. & Mo-
tici.
(c) Satyric. C. 126.
(d) id. C. 39. vid.
QUINTIL. Decla-
mationem, Mathema-
ticus, inscriptam C. 4.
(e) L. 5. C. h. t. jun-
gat. L. 7. C. h. t. v. aut
mathematicus.

§. VI.

Nec vero omne studium ejus prædicendi, quod mor-
talibus immineat, Mathematicorum est proprium, sed
quoddam tantum, (a) suis terminis, ut paulo ante dixi-
mus, circumscriptum. Ille igitur solum ad hunc censum
pertinent, qui ex numeris, somniis, horaque natali, ex alia
denique conjectura, a sideribus ducta, de fato respon-
dent. Ejus autem rei, quod Mathematicus ex signis cœ-
lestium siderum, sub quibus quis natus est, & quæ rei ge-
rendæ aliquid portendere creduntur, de futuro hariole-
tur, multa exstant argumenta. Ita Theogenes, qui Au-
gusti genesis interpretatus est, (b) *Mathematicus* appella-
tur. Ita Caligula, (c) quid genitura afferret, curiosus, ne-
cem appropinquare a Sulla *Mathematico* accepit. Et re-
liqui fere Imperatores omnes, de quibus commemorat

(a) §. 5.

(b) SUET. in Aug.
C. 94.
(c) id. in CALIG. C. 57.

(d) in Tib. C. 14. in
Vitell. C. 3.

(e) Id. in Aug. c. 94.

(f) Id. in Tit. Flav.
Vespas. C. 14.

(g) Satyra 14. v. 249.

(a) GELLIUS L. 14. c. 1.

(b) Noct. Att. L. 14.
C. 1.

(c) Comment. in Da-
niel. C. 2.

(d) de Divin. L. 1. C. 39.

Id. Epist. ad fam. L. 6.
Ep. 6.

(e) Satyr. 6. v. 554. 555.

(f) in Severo C. 2.

(a) C. 69.

(b) L. 2. C. h. t.

(c) SPARTIANUS

C. 16. in Adrian.

(d) id. in Severo C. 3.

SUETONIUS, (d) de genitura a *Mathematicis* eruditi sunt. Hinc genesis, (e) hinc thema, cujus SUETONIUS in Augusto meminit, & quibus imperium prædicebatur, ii (f) *genesis imperatoriam* habere dicebantur. Inde illud JUVENALIS: (g) Nota *Mathematicis genesis* tua.

§. VII.

Et hac de causa Mathematici sunt (a) genethliaci dicti. Appellantur illi etiam Chaldaei, quod hi in eo scientiae genere maxime exercerentur. Optime hæc declarat A. GELLIUS, (b) qui Favorini disputationem contra eos, qui sese Chaldaeos seu genethliacos appellant, revocat in memoriam, & de Chaldaeis ibidem testimonium perhibet, quod etiam genethliaci dicantur. Liceat jungere cum Gellio (c) HIERONYMUM, qui credit, in Chaldaeis genethlia *λέγες* significari. Vocati illi etiam (d) Astrologi, quo nomine eos CICERO expressit. Verbis consimilibus Juvenalis Chaldaeos (e) Astronomos ÆLIUS SPARTIANUS (f) Mathematicum Astrologum nuncupant.

§. VIII.

Mathefeos etiam, Mathematicæque vocabulum ad istam artem translatum est. Tali modo SUETONIUS de Tiberio: (a) *Circa Deos*, inquit, *ac religiones negligentior*, quippe *Mathematicæ addictus*, *persuasionisque plenus*, *cuncta fato regi*. (b) *Mathematica tandem damnabilis & interdicta omnino*. Mathefeos Adrianus adeo fuit (c) peritus, ut, quæ toto anno evenirent Calendis Januariis notasse dicatur. (d) Severus Mathefeos gnarus, genituras sponfarum requirebat. Illud est certum, quo longius a seculo, quod aureum vocant, recedamus, eo crebrius usurpari Mathematici, Mathefeos, & Mathematicæ voces pro ista, quam modo perstrinximus, divinationis disciplina.

§. IX.

§. IX.

Satis de Astrologia. Restant numeri & somnia Chaldaeorum propria. Illa enim divinationis pars, quæ in Astris ponitur, Chaldaeo cum Mathematicis erat communis. Et equidem, quod ad conjecturam somniorum attinet, (a) DANIEL nos docet, Chaldaeos jam olim a Nebucodonosare de eo, quod ipse somniaverat, fuisse interrogatos. Nec obscurius hæc indicat (b) LUCIANUS five ex astris, five, ut Chaldaei ex somniis. Numerorum vero Babylonicorum, quæ vox Chaldaicæ scientiæ index est, mentionem facit (c) HORATIUS:

(a) C. 2.

(b) in Dialog. Cræticis & Diogen.

(c) l. 1. Od. II. edit. Bentleji.

Tu ne quæsieris, scire nefas, quem mihi, quem tibi finem Di dederint, Leuconoe, nec Babylonios tentaris numeros.

Non inficiamur, Chaldaeorum etiam fuisse multos, qui magicis (d) sese studiis dederent. Verum hi *Chaldaeorum nomine*, cum hoc absolute ponitur, & artem magis, quam gentem indicat, non continentur. Illi igitur magis annumerandi sunt.

(d) vid. LUCIANUM in Dial. Necyomantias.

§. X.

A vulgo, Astrologos Chaldaeosque nomen Mathematici cepisse diximus. Hac mente (a) GELLIUS: *Vul-
gus autem, ait, quos gentilitio nomine Chaldaeos dicere oportet, Mathematicos dicit.* Audiamus etiam (b) Hieronymum. Chaldaeos, inquit, significari credo, quos vulgus Mathematicos vocat.

(a) Noct. Att. L. 1. C. 9. jungat. du Fresne in Glossario medii ævi sub hac voce.

(b) Comment. in Daniel.

§. XI.

Nobis non convenit prorsus relinquere intactum, quæ fuerit Chaldaeorum gens, quas illa coluerit artes; præsertim cum magna inde lux oriatur, cur Chaldaei sint vocati Astrologi, Genethliaci & Mathematici. Erant illi

(a) Strabo L. 16.

(b) L. 1. de Divin. c. 1.

(c) Act. Apost. C. 7. v. 4.

gens Asiae, pagus Assyriorum, (a) Arabiae desertae finitimi. (b) CICERO quoque non ex artis, sed *gentis* vocabulo eos appellatos, demonstrat. De terra etiam Chaldaeorum pluribus locis meminit sacer Codex, inprimis Stephanus ille martyr, a quo Abraham dicitur, (c) τότε ἐξελθὼν ἐκ γῆς χαλδαίων. Secernendi sunt a Chalybibus, gente Ponti. Ita enim Strabo: οἰκῶν χαλδαῖοι, χάλυβες τὸ παλαιὸν ὠνομάζοντο. Assyriorum vero Chaldaeos fuisse nationis, illud DIODORI SICULI declarat, χαλδαῖοι τῶν ἀρχαιοτάτων ὄντες βαβυλωνίων.

§. XII.

(a) L. 2. Bibl. Histor.

(b) JUSTINUS L. 20.

C. 4.

(c) L. 1. C. 42. de Divin.

(d) L. 1. C. 1. & 42. & de Divin.

(e) L. 1. C. 41. de Divin.

Postea a gente ad Philosophos, Babylone commorantes, verbum Chaldaei transiit. Erant illi praeterea sacerdotes Babyloniorum, sicut a DIODORO (a) SICULO accepimus. Astris maxime operam dabant, eorumque cognitione jam olim excellebant, adeo, ut Pythagoras, Aegyptum primo, mox Babyloniam ad cognoscendos siderum motus profectus, (b) summam ibi scientiam consecutus dicatur. *Babylonii* ideo a (c) CICERONE vocantur, & cum Aegyptiis, tanquam eadem arte praestantibus, conjunguntur. Negat item Strabo, ulla in regione Mathematicos studium majori in pretio fuisse, quam apud Chaldaeos. Causam, cur siderum situs motusque adeo diligenter observarint, eam indicat CICERO: (d) *Babylonii*, ait, *in camporum patentium aequoribus habitantes, cum ex terra nihil emineret, quod contemplationi caeli officere posset, a regione ipsa ad hoc studium invitabantur.* Mox etiam in Syriam diffusi, in Syria enim, loquitur (e) TULLIUS, *Chaldaei cognitione astrorum solertiaque ingenii excellunt.*

§. XIII.

Causa, quae mathematicos ad fata ex fideribus significan-

ficanda induxit, cum alia, tum hæc inprimis fuerit, quod homo, futuri cupidus, & multæ plerumque de rebus suis spei, nulli magis rei fit aptus, quam fraudibus vaticinantium. Illi igitur, capto hac arte humano animo, quem, ut iste ait, (a) *damnat caligo futuri*, partaque opinione, posse prædici, (b) *quid cuique eventurum esset, & quo quisque esset natus fato*, (c) *Si stella nascentibus triste letumve constitueret*, magna ab eis, qui ita fallebantur, accipiebant munera, & hac ratione multis rem familiarem augebant incrementis. Qua re credimus utique esse effectum, ut maxima Mathematicorum pars his se ineptiis traderet, adeo, ut post Trajani inprimis tempora, mathematici vox semper fere eum designet, qui ex Chaldæorum notis futura prænuntiat.

(a) JUVENAL. Satyr. 6. v. 557.
(b) CIC. L. I. C. I. de Divin.
(c) SENECA L. 7. nat. quæst. C. 28.

§. XIV.

Et de his quidem hætenus. Sequuntur *malefici*. Hic modo spectemus, unde sit verbum compositum, statim apparet, de improbo, qui mala inferre consueverit, esse sermonem. Illud (a) QUINCTILIANI non insulse dictum; *Maleficus distat a maledico occasione*. Optime igitur PHÆDRUS (b) canem, qui morsibus virum laceraverat, *maleficum* nuncupat. *Malefici* generis animalium mentionem injicit SALLUSTIUS, (c) & SUETONIO, (d) qui ex emissariis Neronis maximas inferebant calamitates, Halotus & Tigillinus, sunt maleficientissimi. Nec etiam illi, nisi ob facinorum magnitudinem a Legibus (e) ita dicti, & a veteri (f) Jureconsulto cum Manichæis, qui & ipsi *ad imam scelerum* (g) *Nequitiam* pervenerant, confociati sunt.

(a) Inst. Orat. L. 12. C. 9
(b) L. 2. Fab. 3.
(c) SALL. de bello Jugurtino c. 17. edit. Gronovii.
(d) SVET. in Galba c. 15.
(e) L. 5. 7. C. h. t. L. 4. 7. C. Theod. h. t.
(f) vid. Collat. LL. Rom. & Mos. Tit. 15.
(g) L. 5. C. de Hæret. Manich. & Samarit.

§. XV.

Hunc locum occupant, qui venenis seu veneficiis
B 3 sæviunt,

(a) AMMIAN. MAR. CELLIN. L. 29. C. 2.
(b) L. 7. C. h. t.

sæviunt, Magi, (a) noxii etiam appellati, magicisque carminibus assueti. Et *magos, magicisve carminibus*, sicut (b) Lex loquitur, *assuetos*, ut huc referam, faciunt, cum ipsa nefaria, in quam illi incumbunt, scientia, tum atrocitas, quæ de eis sanctiones nostræ commemorant, tum magnitudo pœnæ, quæ eis constituta est. Et hæc omnia cum *malefici* voce optime conveniunt. Legimus autem in constitutionibus Augustorum ista fere de magis. (c) *Qui magicis accincti artibus, elementa turbare, vitam infantium labefactare, & ventilare, ut quisque malis artibus conficiat*

(c) L. 6. C. h. t.

inimicos, non dubitant. (d) *Qui magicis accincti artibus, aut contra salutem hominum moliri, aut pudicos animos ad*

(d) L. 4. C. h. t. L. 3. C. Th. h. t.

libidinem deflexisse deteguntur. (e) *Qui noxiis quæsitæ*

(e) L. 6. de Indulgent. Crim. C. Th.

graminibus, & diris immurmurata secretis, mentis & corporis venena componunt. Appellantur illi (f) *hostes communis salutis*, (g) *inimici generis humani.* Restat magnitudo pœnæ, quam magi cum antea experti sunt, tum nostris etiam legibus sustinent. Hos enim, *quia naturæ peregrini sunt*, (h) *feralis pestis absumat.* Adde a nobis laudatum (i) HIERONYMUM, qui *sermone communi magos pro maleficis accipi* testatur, adde legem (k) septimam, quæ *magicis carminibus assuetos, maleficos a vulgo dici declarat.*

(f) L. 9. C. h. t.

(g) L. 7. C. h. t.

(h) L. 6. C. h. t.

(i) Comment. in Daniel. C. 2.

(k) C. h. t. jungat. L. 6. C. Th. h. t. vid. Causam 26. qu. 5.

§. XVI.

Nec infrequens apud eos, qui latine scripserunt, *maleficiorum* pro arte magica usus. Ita *maleficiorum* meminit (a) TACITUS, *quibus creduntur animæ numinibus infernis sacrari.* Vetus quoque HORATII interpres: *ita te defigam maleficiis novis & insolitis, ut mentem nunquam recipias.* (b)

(a) L. 2. Annal. 69.

(b) Jungat. Cod.

Theod. de maleficiis, mathematicis & ceteris similibus. Lex item 34. cod. C. de hæret. verb. malefic. nomine.

§. XVII.

§. XVII.

Cum vero magiam eruditi ita plerumque soleant partiri, ut magus ad exitum cogitata perducatur, vel cognitione ejus facultatis, quam unicuique rei natura indidit, vel cantionibus, herbis veneficis, alio denique prohibito modo voti damnetur, nonnunquam etiam commercia contrahat cum Dæmonibus, alia quidem naturalis est & licita, alia nefaria & ex genere illicitorum. De hoc autem magiæ genere, quod natura adjuvante exercetur, hic sermo non est, neque illud his prohibetur legibus. Etenim, etiamsi insigne hac ratione afferatur detrimentum, pro eo tamen, quod commissum est, modo in veneficii, modo in aliud crimen hæc improbitas incurrit. Sed hi maleficorum nomine continentur, qui tam nefariis, quas edisseruimus paulo ante, usi artibus, mentis corporisque venena componunt. In quibus, si veteres audimus, cantiones, quæ etiam carmina dicantur, haud infimum tenuerunt locum. Ideoque (a) *carmina incantare* a vete-

ribus sæpius dictum est, & in lege duodecim tabularum cautum, (b) *ne quis malum carmen incantasset, aut fruges excantasset*. Appellantur autem sæpe numero a veteribus carmina, quæ alias *verba solennia* nuncupamus, ut ex LIVIO discimus: *Lex ait, horrendi erat carminis*. Tri-

buebatur carminibus haud exigua vis, ut a MARONE indicatur:

Carmina vel Cælo possunt deducere lunam.

Idemque fere apud HORATIUM. (e)

Quantum carminibus quæ versant atque venenis.

Humanos animos.

Tentabat igitur Alphefiboëus in agros carminibus pelli-
cere Daphnim, (f) ut Maro venuste cecinit.

Ducite

(a) SPARTIANUS in Didio Julian. c. 7.

(b) Tab. 7. PLIN. L. 28. C. 2.

(c) L. 1. C. 26. L. 39. C. 15.

(d) Pharmaceut. Eclog. 8. v. 69.

(e) L. 1. Satyr. Satyr. 8. v. 19.

(f) in Pharmaceut. Eclog. 8. v. 68.

Ducite ab urbe, mea carmina ducite Daphnim.

(g) SPARTIANUS
in Did. Jul. C. 7.

(h) h. cit. in Did. Jul.
C. 7.

(i) in Caligul. C. 3.
(k) h. t.

Ad vaticinandum etiam carminibus utebantur (g) magi, quorum omnes fere sunt prædictiones illæ, quas carmina antecedunt. Quo referenda omnino est divinatio, quæ, ut SPARTIANUS tradit, *incantato prius vertice pueri, qui respicere jubebatur, ad speculum fieri dicitur*. Insidiabantur præterea magi carminibus hominum saluti, quæ scelera præcipue nominantur devotiones, quarum in Germanicum Cæsarem factarum mentionem facit (i) TRANQUILLUS. Nec *suffragia*, quæ lex (k) quarta enarrat, a certa verborum conceptione discedere mihi videntur.

§. XVIII.

Per herbas etiam magos multa efficere Romani crediderunt. Ne multis te morer, audiamus iterum MA-
RONEM. (a)

(a) in Pharmaceut. Ec-
clog. 8. v. 95. seq.

Has herbas atque hæc Ponto mihi lecta venena
ipse dedit Moëris, nascuntur plurima Ponto.
His ego sæpe lupum fieri, & se condere silvis.
Moërim, sæpe animas imis exire sepulchris,
atque fatas alio vidi traducere messes.

§. XIX.

Sequuntur aliæ magorum fraudes, quibus hi irretire homines existimabantur. Sic notas addiderunt (a) *atroces & occultas nominibus* eorum, quibus obesse cupiebant. Eodem revoco Romanis cum (b) legibus, tum (c) scriptoribus memorata *odii amorisque pocula*, ea inprimis, quæ carmen aliave superstitio anteceffit. Maxime autem execramur magorum sacra, in quibus (d) homo sapius immolabatur, aliaque, quæ naturæ sunt contraria, committebantur. Funesta ea appellantur a lege (e) *ne quis*, malaque dicuntur a lege (f) Cornelia, qua ficarii & venefi-

(a) TACITUS L. 2.
Annal. C. 30.

(b) L. 3. §. 1. ad Leg.
Corn. de sic. & venef.
L. 38. §. 5. ff. de pœn.
(c) PLIN. L. 28. C. 8.
QUINCTIL. De-
clam. 14.

(d) vid. PAULLUS
sentent. L. 5. t. 23 §. 16.

(e) L. 7. C. Th. h. t.
(f) L. 13. ff. ad L. COR-
NEL. de sic. & venef.

nefici comprimuntur. Hinc negabat (g) Servilia *im-* (g) TACIT. Annal.
pior sese invocasse Deos. Sacra enim eorum, ut (h) SER- L. 16. C. 31.
 VIUS ad Maronem, Romani semper damnaverunt: Hinc (h) ad l. 4. Æneid.
 (i) Dido: v. 492. (i) L. 4. Æneid, v. 492.

Testor cara Deos, & te Germana tuumque

Dulce caput, magicas invitam accingier artes.

Operabantur magi impiis sacris suis, non solum, quo
 sub *execrabili*, (k) ut Lex loquitur, *consultatione, futura* (k) L. 9. C. Th. de pa-
 explorarent, sed etiam, (l) ut *quem obcantarent, defige-* gan.
rent, obligarent &c. Quæ ille apud MARONEM suo (l) PAULUS sentent.
 exemplo (m) declarat. l. 5. t. 23. §. 15.
 (m) in Pharmac. v. 66.

Conjugis ut magicis sanos avertere sacris

Experiar sensus.

Tentabat præterea (n) Didius Julianus per magos po- (n) SPARTIANUS in
 puli delinire odium, militumque compescere arma, quem cod. l. 7.
 tamen, ut alios, sua fefellit opinio.

§. XX.

Magos etiam ex Romanorum sententia consuetu-
 dinem cum Dæmonibus habuisse, supra a nobis indi-
 catum est. Quo referendi mihi videntur, quibus res est
 cum manibus. Quæ scientia Necyomantia seu Necro-
 mantia audit. Eos enim maleficos dictos fuisse, HIE-
 RONYMUS declarat. (a) *Sunt, inquit, malefici, qui san-* (a) Comment. in Dan.
guine utantur, & victimis, & sæpe contingunt corpora C. 2.
mortuorum. Evocabant magi animas mortuorum, non
 eo solum, quo, sicut (b) FLACCUS ostendit, responsa (b) Satyr. L. 1. Sat. 8.
 acciperent ab illis, sed ut per eas aliis incommoda para- v. 29. jungatur AM-
 rent. (c) Hoc enim ex malefici verbo constat. Per Sa- MIAN. MARCELL.
 crificia denique a magis facta, (d) Neronem matris ma- L. 28. C. 1.
 nes placare conatum fuisse, (e) Neronem matris ma- (c) L. 6. C. h. t. L. 5.
 TRANQVILLUS prodi- C. Th.
 dit. (e) (d) in Neron. C. 34.
 (e) vide præf. de magis
 PLIN. hist. nat. L. 30
 C. 2. CURT. L. 7. C. 4

§. XXI.

Diximus multa, quæ de hac re, tum ex poetis, tum ex aliis scriptoribus, sese ad manus nobis obtulerunt. Verum hoc fecimus non ea mente, ut omnibus, præcipue istis, quæ ex versibus decerpimus, fidem haberemus: Pictoribus enim, ait ille, & Poetis,

Quidlibet audendi semper fuit æqua potestas.

Verum hoc animo ea attigimus, quod rei illustrandæ conducere, & quod ex poematibus de Vulgi opinione, cui Poetæ maxima ex parte inserviunt, optime constet. Si igitur ex eis, quæ modo recensuimus, de vulgi opinione sumus edocti, novimus jam, quos magorum loco habeant leges, quia hæc a sermone populi, cui feruntur, non discedunt. Hæc etiam facinora vera sint, fictave fuerint, cum a magis tantum committantur, illud afferunt emolumentum, quod, si quando cum vero delicto comparerentur, declarent, num facinus patratum ad magiæ, an ad aliud crimen, referendum sit.

§. XXII.

Ne quis autem perturbetur Lege (a) quæ perniciem, hominibus veneno allatam, graviolem cæde judicat, quæ gladio patratur, & ex eo colligat, maleficis hic etiam esse aggregandos, qui potionibus, herbisve pestiferis, vitam mortalibus eripiunt, valetudinemque eis reddunt deteriolem, hæc quidem res nobis non est prætereunda. Illud utique memoria tenendum, venenorum verbo magicas artes sæpius designari. Ita (b) FLACCUS canit:

Quæ saga, quis te solvere Thessalis
Magus venenis, quis poterit Deus.

Thessa-

(a) L. I. C. d. malef.

(b) Carm. L. I. Od. 27.
v. 21, seq.

Theſſalia enim, ſicut a (c) PLINIO accipimus, mago- (c) Hiſt. nat. L. 30.
rum artis inprimis perita eſſe exiſtimabatur. Ideoque C. 1.
ab Atrace, Theſſaliæ oppido, Atracia venena dixit (d) (d) VAL. FLACC. Arg.
Poeta: gonat. L. 6. v. 447.

Quamvis Atracio Lunam ſpumante veneno,
Sciret & Hæmoniis agitari cantibus umbras.

§. XXIII.

Longe vero eſt crebrior uſus *venefici*, ſeu ejus, qui
venena facit, pro homine, qui magicis artibus utitur.
Lege enim Cornelia, quæ ſicarios & veneficos premit,
non ſolum capite damnantur, qui venenis, ſed etiam qui
(a) *ſuſurris magicis* homines occiderint. Pari modo, cum (a) JUSTIN. Inſtit. de
Imperatores ob communem lætitiā eo die feſto, quem publ. Judic. §. 5.
Paſchatos nomine inſignimus, vinculis ſolverent omnes,
qui cuſtodia tenebantur, vincti tamen relinquuntur, *adul-*
teri, in majeſtate rei, malefici ſive venefici. Satis ex eis,
de quibus ſupra propoſuimus, conſtat, maleficos pro ma-
gis accipi. Neceſſe igitur eſt, ut veneficus, qui, interce-
dente vocula *ſive*, maleficum notat, magum ſignificet.
Venefica quoque pro muliere, magicæ vanitatis ſtudio-
ſa, (b) uſurpatur.

(b) HORAT. Epod.
Od. 5. v. 71. 72.

Solutus ambulat veneficæ
Scientioris carmine.

(c) *Veneficum* etiam *pondus*, quo filii ſepulchrum ſolvi (c) Decl. X. C. ult.
mater poſtulat, nominat QVINTILIANUS. Veneficia
item magis ſæpius tribuuntur. Ita veneficia cantiones-
que a (d) TULLIO junguntur, (e) veneficiaque & (d) C. 60. de clar. Orat.
devotiones in Germanicum Cæſarem factas legimus atque re- (e) SVET. in Calig.
pertas. C. 3. TACIT. L. 3.
Annal. C. 13.

§. XXIV.

Liquere opinor, venenorum, venefici veneficæque que appellatione, usum loquendi magos etiam, magorumque maleficia indicare. Nunc audiamus argumenta, quæ hoc loco istam sermonis consuetudinem retineri nos convincant. In promptu est, cum inscriptionem, tum cunctas fere leges, quas enucleandas suscepimus, ex Theodosii Codice Justinianum esse mutuatum.

Verum in Theodosii Codice, modo hunc spectemus (a) titulum, lex reperitur nulla, quæ de venenis differte verba faciat. Justinianus tantum illam sanctionem, quæ de venenis quædam refert, & quæ à Diocletiano & Maximino Augustis profecta est, hoc loco ceteris imperatorum sanctionibus interjecit. Certum illud est, eos, qui herbis venenatis damna inferunt, (b) neque sub mathematicis, (c) neque sub ceteris similibus comprehendi. Malefici autem vocabulo, si Codicem Theodosii spectemus, hujus generis venefici non continentur. De pestiferis enim herbis à Theodosio nihil omnino cavetur. Fac autem, voluisse Justinianum *malefici* verbum latius patere, & eos complecti, qui potionibus noxiis insidias alteri struunt, qua illi tandem poena sunt afficiendi? Num peste ferali, supplicio magorum eos dignoscensemus? Minime. Constat enim lege Cornelia, quæ *ficarios & veneficos* ulciscitur, discrimen esse constitutum inter illos, qui obscuriori sunt loco, & qui dignitate qua-

dam ceteros antecellunt. (d) *Humiliores enim vel bestiis subjiuntur, alii solent capite puniri, altiores vero, bonis publicatis, in insulam deportantur.* In magis autem puniendis leges nullam prorsus dignitatis habent rationem, sed eadem omnes poena afficiunt. Num igitur

exi-

(a) de mathemat. malef. & cet. simil. L. 9. t. 16. C. Theod.

(b) §. 4. 5. sequ.

(c) vid. §. 28. sequ.

(d) L. 3. §. 5. ff. ad L. Cornel. de sic. & venef.

existimabimus, omne discrimen, quod Lex Cornelia facit, nunc esse sublatum, cum leges tamen ejusmodi quid expresse non sanciant? id quod equidem ferendum non est. His igitur argumentis adducimur, ut credamus, veneni verbo magorum maleficia a Justiniano reprehendi. (e) vid. L. 42. ff. de poen.

§. XXV.

Reliquum est, ut illos etiam eximamus scrupulos, quos (a) Lex quinta forte injiciat. Ea enim, cum mathematicos, magos, & ceteros, quos maleficos vulgus ob facinorum magnitudinem appellat, divinare prohibet, separare simul videtur magos a maleficis. Verum ista varietas, quam de hac re in legibus deprehendimus, perparum sapius habet ponderis. Lex enim (b) septima magum, vel magicis carminibus assuetum, qui, eadem teste, maleficus vulgi consuetudine appellatur, quaestioni tradit. Ubi, ni velis credere, magum dici eum, qui alia ratione, quam carminibus, incommoda affert, magicis vero carminibus (c) assuetum esse illum, qui precibus nefariis nocet, non video, quomodo hi inter se differant. Sed quid multis te morer? Sic habeo, sic animum induco. Nullus unquam scriptor sermonem vulgarem diligentius retinuit, quam illud in legibus factitatum cognoscimus. Nec immerito. Cum enim ab eis voluntas Legislatoris intelligi debeat, de quorum fortunis saluteque decernitur, æquum est, ut ille ex eorum consuetudine verbis utatur. A (d) vulgo autem malefici dicti sunt magi, magicis carminibus affueti, & qui (e) funesta faciebant sacrificia. Et enim ex ejus generis sacrificiis (f) venena intestinæque cædes exhibant, sapius in eis homo (g) immolabatur, quam

(h) L. 5. t. 23. sentent.
recept. §. 16.

(i) in Collat. L. Mos.
& Rom. t. 15.

(k) Novella, quæ Va-
lentiniani dicitur, t. 1.
vid. præf. L. 3. C. Th.
de Apostat.

(l) C. de hæret. & Ma-
nich. &c.

de re jam antea graviter cautum fuisse, (h) Paulus decla-
rat. Malefici porro appellati sunt Manichæi, incantan-
di vaticinandi desiderio flagrantēs. Adjungit enim eos
(i) maleficis vetus Jureconsultus, (k) *exsecrabiles* eos no-
minant Theodosius & Valentinianus, & Lex quin-
ta eos testatur *ad imam* pervenisse (l) *scelerum ne-
quitiam*. Cum igitur hi omnes malefici a populo usur-
parentur, pars vero eorum, specie religionis, magicas frau-
des abderent, pars auctoris nomine, ut Manichæi coleren-
tur, eos quidem omnes his legibus teneri verbo *ceterorum*
Augusti ostendunt. Illi ergo rei operam dederunt Im-
peratores, ut perspicue loquerentur, improbosque, omni-
bus diverticulis obstructis, a maleficiis deterrent.

§. XXVI.

(a) L. 4. C. h. t. L. 3. C.
Th. h. t.

(b) AMMIAN. MAR-
CELL. L. 16. C. 8. ibi
pœnaliter interibat.

(c) id. L. 29. C. 2.

Illud jam haud præterierim, maleficorum numero
non censerī, omnique supplicio liberari, (a) qui ad vale-
tudinis curam, ad vindemias frugesque conservandas, in-
nocenter suffragia adhibent. Et quamvis (b) Constan-
tius, Constantini filius, eum, qui anile incantamentum
ad leniendum dolorem recitaverat, morte plecteret, (c)
Valentinianus quoque & Valens eadem severitate ute-
rentur, eorum tamen leges, nec Theodosio, quem ju-
niorem vocant, nec Justiniano, dignæ visæ sunt, quas
aut ipsi imitarentur, aut quibus in Codicibus suis, inter
ceteras Augustorum sanctiones, locum concederent. Ve-
rum de eo posthac videbimus.

§. XXVII.

Ne vero, quos antiquitas magos venerata sit, filea-
mus omnino, pauca de his in medium proferemus. Ex
(a) Persis erant oriundi ibique genus (b) doctorum vel
sapientum habebantur, tantoque erant in honore & pre-
tīo,

(a) PLIN. hist. nat.
L. 30. C. 1.

(b) CIC. l. 1. de div. c. 23.

tio, (c) ut rex Persarum esse non posset, qui ipsorum disciplinam scientiamque non perceperat. Auctorem (d) Zoroastrem, regem Bactrianorum, habuisse dicuntur, cujus infantis adhuc cerebrum ita palpitasse ferunt, ut manum impositam repelleret, *futura*, ut refert PLINIUS, (e) *presagio scientiæ*. Primus ille dicitur (f) magicas artes invenisse, & mundi principia siderumque motus diligentissime spectasse. Sciebant iidem (g) vaticinari, somnia conjicere. Luce prima, quæ noctem, qua templum Dianæ conflagraverat, sequebatur, magi clamarunt (h) perniciem Asiæ natam esse. Pythagoram ab eisdem (i) plurima (k) accepisse volunt. Tantæ præterea erant autoritatis, ut ex eorum (l) sententia Xerxes templa Græcorum inflammaverit. Postea ad plures, (m) quæ orientem versus terras incolebant, gentes, magicarum artium studium migravit. Ita in legatis, quos Parthi ad Sullam miserant, cum quidam essent (n) magorum, illi ex notis corporis Sullæ prædixerunt, *caelestem ejus vitam & memoriam futuram*.

XXVIII.

Supereſt, ut de ceteris ſimilibus, quos titulus noviffime collocat, ſermonem inſtituamus. Eos omnes nobis recensent (a) Lex tertia, quinta & ſeptima, quæ (b) *aruspices Sacerdotes, illos, qui huic ritui miniſtrare ſolent*, ariolos, vates, augures, denique (c) omnes nominant, qui vaticinationibus ſeſe dedunt, gravique poena coercent. Hos autem oportet, ut ceteris ſimilibus comprehendantur, in eiſque conſtitutionibus oportet ut ſedes ſit & caput hujus quæſtionis. Nequaquam enim auguri, nequaquam aruſpici, nequaquam reliquis, quos modo recensuimus, ea inprimis ætate, qua hæ leges ferebantur, (d) mathematici

aut

(c) CIC. de Divin. L. 1. C. 41.

(d) PLIN. hiſt. nat. L. 30. c. 1.

(e) Hiſt. nat. L. 7. C. 14.

(f) JUSTIN. L. 1. C. 1.

(g) ÆLIAN. Var. hiſt. L. 2. C. 17.

(h) CIC. de Divin. L. 1. C. 23.

(i) CIC. de fin. bon. & mal. L. 5. C. 29.

(k) JUSTINUS L. 20. c. 4.

(l) ibid.

(m) vid. LUCIANUS in Necyomantia ubi ope Chaldæi ad manes deſcendiſſe dicitur Menippus.

(n) VELLEJ. Patere. L. 2. C. 24. PLUT. in Sulla.

(a) C. h. t. adde L. 1. 2. 4. 6. C. Th.

(b) L. 3. h. t.

(c) L. 5. C. h. t. L. 4. C. Th. h. t. v. ſileat omnibus perpetuo divi-
vinandi curioſitas.

L. 7. C. v. aut certe horum ſimile quid exerceat. L. 6. C. Th.

(d) vid. §. 4. ſeqq.

(e) L. 5. 7. C. h. t.
L. 4. 6. C. Th. h. t.

(f) §. 5. sqq.

(g) L. 9. C. Th. h. t.

aut Chaldaei nomen inditum est; Contra ea leges (e) jungunt Mathematicum ab augure, aruspice &c. Angures etiam atque aruspices a (f) Mathematicis disciplina prorsus differunt. Ad Mathematicos igitur hi non pertinent. Malefici autem vocabulum aruspici, ariolo, auguri, & iis, quorum deinceps fit mentio, inditum non est. Nec dum enim ulla vidi argumenta, quibus hoc possit affirmari; Quin (g) VALENTINUS & Valens, Imperatores, testimonium dicunt, haruspices, qui non infimum in *ceteris similibus* locum tenent, *nullam habere cum maleficis communionem*. Relinquitur, ut ad ceteros similes eos referamus. Optime etiam, nec sine gravi causa, hi *ceteri similes* vocantur. Etenim in eo congruebant cum mathematicis, quod, quæ fore credebant, prædicarent. Illud modo inter mathematicos ceterosque similes interest, quod Mathematici ex sideribus &c. de eo, quod imminebat, judicarent, ceteri vero similes ex aliis etiam rebus vaticinarentur. Nec a magis ceteri similes adeo recedebant. Etenim illi etiam (h) de fato respondebant. Turbatur autem sæpius vaticinationibus istis, siue a mathematicis, siue a magis, siue a ceteris similibus ex proficiscerentur, reipublicæ status. Ea igitur fuit ratio, ut hos similes magorum mathematicorumque, contemptim increparent Imperatores.

§. XXIX.

Primi *ceterorum similium* a legibus notantur *aruspices*, si DONATO fidem habeamus, ab Haruga, (quæ FESTO dicta est hostia, cuius adhærentia inspiciebantur exta, (a) harviga dicitur) ita (b) appellati. Harviga autem (c) ab hara, in qua eam excludere veteres solebant, nomen mutuata. Varroni tamen in Pontificalibus libris ea vide-

(h) vid. §. 19. & passim
L. 5. C. h. t. v. ac magi
& ceteri nec ad banc
partem.

(a) de verb. significat.
(b) in TERENCE.
Phorm. Act. 4. sc. 4.
(c) DONAT. Loc. cit.

videretur esse hostia (d) arviga, quæ cornua habet. Ulci- (d) de ling. lat. p. 26.
 ma aruspiciis syllaba (e) a spectando ducta est, quia ex (e) QUINTIL. L. 1.
 inspectione, num exta lata essent, an tristia, judicabant. C. 7. Orat. Instit.
 Ab Hetruscis (f) eos, si CICERONEM audiamus, (f) CIC. de div. L. 1. c. 6.
 Romani, ut (g) numerum lictorum, insignia magistra- (g) LIV. L. 1. C. 8.
 tuum, aliaque multa desumpserunt. Etruria enim de
 coelo tacta scientissime (h) animadvertit, eademque inter- (h) ibid. C. 41
 pretatur, quod quibusque ostendatur monstris & porten-
 tis. Ita Tanaquilis, tanquam perita, (i) ut *vulgo Etrusci*, (i) LIV. L. 1. C. 34.
 coelestium prodigiorum mulieris a LIVIO fit mentio.
 Hinc accidit nonnunquam eo tempore, quo (k) Romani (k) ibid. L. 5. C. 15.
 cum Etruscis bellum gerebant, ut nemo esset, qui prodi-
 gia rite procuraret.

§. XXX.

Accepisse dicuntur Etrusci artem Haruspicinæ a (a) (a) CIC. de Divin.
 Tage, eo quidem puerilis speciei, sed senilis prudentiæ. L. 2. C. 23.
 Hoc autem de Tuscis intelligendum est. Etenim alia
 etiam gentes fuerunt, (b) apud quas ea disciplina cole- (b) CIC. de Div. L. 1.
 batur. Utebantur aruspicum opera Romani in sacris, ad C. 41. L. 2. C. 12. seq.
 exta inspicienda, num ea latum tristeve portenderent.
 Ideo ille apud TULLIUM, divinatione (c) extispicum (c) CIC. de Divin.
 sublata, omnem haruspicinam tolli existimat. Causam, L. 1. C. 18.
 cur Etrusci extorum adeo essent periti, eam reddit CICE-
 RO, (d) quod crebrius hostias immolarent. Ex eorum (d) L. 1. C. 42. de Di-
 igitur arte alia exta erant (e) regalia, quæ potentibus in- vin. ubi plura.
 speratum honorem, humilioribus hæreditates, filio fami- (e) FESTUS sub voce
 regalis.
 lias dominationem pollicebantur, (f) alia muta erant, ex (f) FESTUS de verb.
 quibus nihil divinationis animadvertebatur. Alia item sign. sub voce muti.
 (g) trunca & turpia dicebantur, alia vero lata erant, qua (g) LIV. L. 27. C. 26.
 de re veteres plura literis mandarunt. Hinc si exta bo-

na essent, litabatur, sin trunca aut turpia; perlitari non poterat.

§. XXXI.

(a) CICERO de Divin. L. 1. C. 2. 18. 42. id. de harusp. resp.

(b) CIC. L. 1. C. 3. de nat. Deor. jung. FEST. de verb. signif. NONIUS de propr. sermon.

(c) L. 38. ff. de verb. signif.

Interpretabantur etiam Haruspices (a) ostenta, prodigia, portenta, quo averruncaretur, si ea calamitosi quid significarent. (b) Portenta autem, prodigia, monstra, ostenta, inde dicta sunt, quod portendant; prædicant, monstrent, ostendant. Ostenta igitur, ut modo monuimus, ex eo ita nominata sunt, quod aliquid ostendant. Monita itaque Deorum Nonius ea appellat. Labeo ostentum (c) ita definit, quod illud sit omne contra naturam cujusque rei genitum atque factum, duoque eorum genera ponit, unum, quoties quid contra naturam nascitur tribus manibus forte, aut pedibus, aut qua alia corporis parte, quæ naturæ contraria est: alterum, cum quid prodigiosum videtur, quæ Græci *φαντασμα*, id est, visiones vocant. (d) Alii ostentis boni quid, alii mali significari credunt, quod illi faciunt, qui ostenta ostendere monstra, remediaque præcipere, existimant. Monstra enim Romani vehementer horruerunt, demerseruntque mari sæpius, (e) ut seminares, Deosque, si monstra nuntiata essent, placandos putarunt. CICERO vero læta (f) ostentis significari declarat. Sæpius etiam hac voce usi Romani (g) pro prodigio & portento.

(e) LIV. L. 27. C. 37. L. 31. C. 12. AMMIAN. MARCELL. L. 19. C. 12. sub fin.

(f) CIC. de Divin. L. 1. C. 33.

(g) FEST. in voc. ostent.

§. XXXII.

(a) FEST. sub voce Prodigia.

(a) LIV. L. 26. C. 23. & alibi.

(b) CIC. de Divin. L. 1. C. 41.

Procurabant iidem (a) Prodigia. Prodigium autem semper pessimum testatur NONIUS, indeque esse dictum, *quasi porro adigendum*. Ad prodigia refertur, (b) cum de cælo tacti sunt muri portæque civitatis. Et hoc nititur illud CICERONIS (c) *Etruria de cælo tacta scite animadvertit*. Haruspice item Fulguratoris ex Catone mentionem facit.

No-

NONIUS MARCELLUS, librosque Etruscorum (d) fulgura- (d) L. 1. C. 33. add. ibid. libros haruspicios & rituales. LIV. L. 16. C. 23.
 les & tonitruales CICERO memorat. Porro si cor in anima-
 libus repertum non esset, prodigium erat. Plura ob eorum
 multitudinem dare non libet. Continentur prodigiis
 monstra, a monendo, ut ait FESTUS, dicta. Ita igitur FA-
 BIUS, si, inquit, (e) *quam partem, in corpore nostro aut* (e) L. 7. Præf. Instit. Orat.
ceterorum animalium, aut permutes, aut transferas, pro-
digium appellatur. FESTO sunt monstra, quæ naturæ mo-
 dum egrediuntur, ut serpens cum pedibus, &c. Leges
 vero hac de re tradunt, (f) *partum monstruosum aut pro-* (f) L. 14. ff. de Nat. hom.
digiosum eum habendum, qui contra formam humanam
converso more procreatur, non autem illum, qui membro-
rum humanorum officia ampliavit. Illud observamus,
 omnia, quæ Romanis Deorum placandorum imponebant
 necessitatem, a (g) LIVIO appellari prodigia, ut in his (g) LIV. L. 1. C. 56.
 portenta, & ostenta non sine ratione inclusa esse vi-
 deantur.

§. XXXIII.

Portentorum item curam gerebant haruspices. Au-
 ctore (a) FESTO nuntiabantur ea, cum *corpora solita,* (a) FESTUS.
quæ raro se ostendunt, apparuissent, ut comete, barathra,
turbines, tonitrua sereno cælo facta, aliaque ejus generis.
 Marcellus portenti nomen ab eo inventum esse dicit, quod
 non solum aliquid portendatur, sed quod jam oporteat &
 faciat. Si FESTUM audiamus, alii portentis (b) mali quid (b) jungat. LIV. l. 1. c. 56.
 significari, alii contra existimant. Alii portenta indicare,
 quod porro tendatur, credunt. Pro eo, quod calamita-
 tem impendere significat, usurpatur a (c) TULLIO. (c) de Divin. L. 1. C. 34.
 (d) Portentosi quoque foetus, qui Romanis semper erant (d) L. 1. C. 15. de ira, alii-
 invisus, mentio fit apud SENECA.

§. XXXIV.

(a) L. 1. C. 2. de Divin.
ita ex Manufer. Cantabrigiensi legit Davies.

(b) vid. CIC. Orat. in
Catil. 3. C. 8. SALUST.
bell. Catil. C. 47.

(c) CIC. de nat. Deor.
L. 2. C. 4. LIV. passim,
aliique.

(d) CIC. de divin. L. 1.
c. 41.

(e) MAXIM. L. 1. C. 1.

Acciverunt Romani haruspices, (a) quia eis magna vis in impetrandis consulendisque rebus, & in monstris interpretandis ac procurandis, in haruspicum disciplina (b) esse videretur. Magnæ apud Romanos erant auctoritatis, adeo ut Consules, cum aruspibus vitio creati viderentur, magistratu (c) se abdicarent, Senatusque decerneret, ut de principum filiis (d) sex, seu, quod vult VALERIUS, (e) decem, singulis Etruriæ populis in disciplinam traderentur, ne hæc ars ad tenuiores homines, & deinde ad quæstum abduceretur. Hæc de haruspibus.

§. XXXV.

(a) vid. L. cit. 3. C. h. t.

(b) L. 32. de recept. &
qui arbitr. receperunt
§. sacerdotio. 4.

(c) CIC. Orat. pro Balbo
C. 24.

(d) POLYBIUS, DIONYSIUS
HALICARNASS. & alii.

(e) LIV. L. 39. C. 16.
L. 25. C. 1. L. 39. C. 8.

Succedunt aruspibus sacerdotes, & illi, qui, ut (a) Lex loquitur, *huic ritui ministrare assolent*. Sunt autem (b) Sacerdotes, quos sacris vacare oportet. Communis est hæc vox marium foeminarumque. (c) *Per Sacerdotes* enim *græcas* Cereris sacra curabantur. Accipiendum autem hic est nomen Sacerdotis non de eo solum, quem populus sacris operari voluit, sed de omnibus, qui rem divinam faciunt. Negari equidem non potest, vix (d) ullam gentem æque statas & a majoribus relictas retinuisse ceremonias, quam illud, libera adhuc republica, a Romanis factum est. Prohibebantur igitur illi, qui peregrino ritu sacrificabant, (e) urbe, circo, foro, & sacrificuli cum contemptu dicebantur. Verum hæc omnia commutata sunt, cum unus summæ rerum potiretur. Quia enim in eligendo Principe, qui Augustus salutabatur, exercitus, Romanus ille esset, an barbarus, nullum discrimen faceret, domestica simul religio peregrinis misceri cœpta est ceremoniis. Vocem igitur Sacerdotis cum de mare, tum de foemi-

foemina, cum de eo, qui sacerdotio a Romanis praefectus erat, tum de vate sacrificuloque, tuto hic accipias.

§. XXXVI.

Ariolos quoque in hunc gregem conjiciendos esse, supra dictum est. Sunt autem Arioli, qui motu quodam vehementiore concitati, oracula fundunt. Dubitat igitur DONATUS, num a (a) fando ita appellati sint, an ab eo, quod halitu soliti fuerint excludere velut mortalem animam, ut divinam reciperent. Eadem innuit TULLIUS, cum (b) ariolorum vatumque furibundas praedictiones conjunctim pronuntiat. Haudquaquam tamen hisce finibus se continuit harioli verbum sed ad eos etiam, qui magicis sacrificiis se polluebant, transductum est. Indicat enim Isidorus, Ariolos propterea ita esse nominatos, (c) quod circa aras Idolorum nefarias preces emittant, & funesta offerant sacrificia, iisque celebratibus Daemorum responsa accipiant. Hoc tamen ariolorum genus maleficis potius, quam ceteris similibus, subjungendum est.

§. XXXVII.

Ab hariolis longe haud abeunt Vates, a fando, si (a) VARRONEM audiamus, ita appellati. Quod idem mihi monstrare Paullus videtur, (b) vaticinatores, ait, *qui se* ^{vaticinari.} *plenos* Dei simulant, civitate expelli placuit. Sunt ii igitur Vates, quorum, ut cum TULLIO loquar, (c) animi, ^{(b) Sentent. recept.} *spretis corporibus, evolant, atque excurrunt foras, ardore* ^{L. 5. t. 21. jung. JUSTINUS L. 18. C. 5.} *aliquo inflammati.* (d) Furibundas igitur vatum praedictiones, moxque oracula Tullius nuncupavit. Nec fortasse Poetis alia de causa vatis nomen impositum est, quam quod in eis (e) apparere debeat animi furentis vaticinatio. ^{(c) L. 1. C. 50. de Divin.} ^{(d) L. 1. C. 2. de Divin.} ^{(e) PETRON. Satyric. C. 118.}

§. XXXVIII.

(a) C. h. t. L. 4. C. Th.
h. t.

(b) PLIN. hist. nat.
L. 7. C. 56.

(c) ad Lib. 5. Æneid.
v. 523.

(d) CIC. de Divin.
L. 1. C. 39.

(e) LIV. L. 1. C. 7. 8.
PLUT. in Rom.

(f) CIC. de Divin. L. 2.
C. 18.

(g) LIV. L. 1. C. 36.
L. 27. C. 16.

Augurum quoque pravam confessionem conticescere jubet (a) Lex quinta. Artem eorum (b) Tiresias Thebanus invenisse narratur. Auguris vocabulum Festus tractum credit, sive ab avibus & gerendo, sive ab avium garritu. SERVIO autem illud est (c) quasi avigerium. Augures autem Romanis erant, qui ex avibus, ceterisque signis suæ disciplinæ nuntiabant, num res, quæ parabatur, Diis cordi esset, nec ne. (d) Sic corvus a dextra, cornix a sinistra ratum faciebant. Sic fratrum geminorum, Romuli & Remi (e) controversiam, uter regnaret, urbemque conderet, avibus esse diremtam accepimus. Aliorum vero signorum, quæ declarabant, num rei gerendæ obnuntiandum esset, an locus concedendus, illa sufficiant, quod Jove tonante & fulgurante, comitia haberi (f) nefas esset. Cum auguria lata mitterentur, aves (g) addixisse formula erat, tumque res secundis gerebatur avibus.

§. XXXIX.

(a) FEST. & alii Romani plures.

(b) SVETON. in Aug. C. 7. vid. THEOD. GRONOV. marmor. basin. p. 61. seq.

(c) CIC. de Divin. L. 1.

(d) LIV. L. 1. c. 20.
PLUT. in Rom. alii-
que.

(e) L. 4. C. 4.

(f) LIV. L. 1. C. 36.

(g) LIV. L. 8. C. 23.

Loca, in quibus auguria capiebantur, (a) auguraculorum voce designabant, ea vero, in quibus augurato quid consecrabatur, augusta appellata sunt, indeque nomen Augusti, (b) si TRANQUILLIO credamus, Octavius sibi desumpsit. (c) Auguriis ab initio usi Romani. (d) Roma enim ipsa auspicio condita est. Publicos vero augures a Numa primum constitutos esse, (e) LIVIUS tradit. Magnus auguribus habebatur honor, quod statua auguri Accio (f) in comitio posita, declarat. Obnuntiabant illi comitiis, & summos in republica magistratus, si vitio creati eis viderentur, honoribus se (g) abdicare adigebant. Summæ auctoritatis eorum erat sacerdotium, ita, ut nemo, qui

qui ex plebe natus esset, in illud cooptaretur. Plebem enim auspicia habere, (h) nefas ducebant Patres. (h) id. L. 6. C. 41. Plebiscito tamen, Quinto & Ogulnio rogantibus, facto, (i) auspicia etiam ad plebem profecta sunt. Hoc tamen (i) id. L. 10. C. 6. sapius immutatum est. Appellat eos TULLIUS (k) inter- (k) L. 2. de LL. C. 8. nuntios Jovis, consiliarios ejus, & interpretes ex signis L. 3. C. 19. de LL. & auspiciis. Leviter perstrinxerim, Nonio auguria esse conjecturas, quas ex omnibus rebus colligere possimus, auspicia vero, quæ ex volatu avium earumque vocibus capiantur. Attamen de auspicio hoc non est perpetuum. Serpens enim, ut cum Vopisco loquamur, pelvem Aureliani pueri complexa, auspiciū fecit, cum aliquando esse imperaturum. (l) in AUREL. C. 4.

§. LX.

Restant adhuc, qui, quacunque (a) illud fiat ratio- (a) L. 5. 7. C. h. t. ne, fata aliis nuntiare audeant. Hi autem in pœnam legis perspicue incurrunt. Imperatores enim, cum eis L. 4. 6. C. Th. h. t. omnino displiceret, cives suos scrutari ea, quæ reipublicæ, aut ipsis instarent, Mathematicos, aruspices, augures, (b) vatesque filere jubent; postremo sanciant, (b) L. 5. C. h. t. ne quis Chaldaus, aut magus quid ad hanc partem molitur, (c) *ut omnis perpetuo fileat, divinandi curiositas.* (c) L. citat. Ne quis autem a nostra avocetur sententia pœnæ magnitudine, *quia omnes, quicumque jussibus hujus legis obsequium denegaverint, gladio ultori subjiciuntur,* aliis jam argumentis, quæ ex eisdem oriuntur legibus, nostram opinionem confirmabimus. Lex septima aruspices, ariolos, augures, mathematicos, & eos, qui enarrandis somniis artem aliquam divinandi, aut aliquid horum simile exercent, etiam si sint in Comitatu Caesaris, (d) ad tormenta exponit. (d) L. 7. Et hic ut omittam, universalem (e) utriusque legis esse (e) L. 7. verb. *horum simile.* L. 5. verb. *fileat omnibus.* propo-

(f) l. 9. ff. & C. de quaest.

(g) L. 3. C. de quaest.

(h) L. 7. C. h. t.

(i) L. 11. C. de qu.

(k) L. 16. C. de qu.

L. 4. C. ad L. Jul. ma-
jest. PAUL. sent. re-
cept. l. 5. t. 29. §. 2.

(l) L. 16. C. de qu.

PAULL. in loco citat.
jungat. l. 12. C. Th. de
pag. sacrificiis & tem-
plis.

(m) de variis divinat.
generibus vid. PEU-
CERUM. FABRIT.
Bibliograph. antiqu.

p. 415. seq.

(a) Deut. 18. v. 10. 11.

Lev. 19. v. 26.

(b) Lev. 20. v. 6. jungat.

Exod. 22. v. 18. Exempl.
in Manasse 2. Reg. 21.
v. 6.

(c) Num. 23. v. 23.

propositionem, liber (f) certe homo, nisi (g) ex gravi delicto, non torqueatur. Multo difficilius cruciatus ad eos perveniunt, qui, ut Lex loquitur, (h) *ipsam prope pul- sant majestatem*, siquidem illa immunitas, quæ eis a (i) plebejorum poenis & quaestionibus concessa est, (k) *maje- statis tantum crimine comminuitur*. Si igitur *exercentes aliquid horum simile non fugiant cruciatus*, nec a quaestio- nibus comites ipsorum imperatorum liberentur, conse- quitur, fata prædicere, crimen esse atrox, & violatæ (l) *ma- jestatis simile*. Supplicium itaque non nisi summum, & modo veritatis investigandæ tam acerbo, conveniens esse potest. (m)

§. XLI.

Finite de eis tractatione, quos rubrum indicat, Le- gesque puniunt, descendimus ad causas, quibus inducti Imperatores, de illis tam graviter statuerunt. Hic nihil ambigam, tam gravi supplicio ideo locum esse datum, quia sacer Codex sæpius & vehementer prohibuit, ne Ju- dæi ariolis & eis, qui ex diebus res humanas pendere su- perstitiose credunt, porro ne Judæi auguribus, magis, ma- gicorum peritis carminum, vatibus, interpretibus signo- rum, animos elicientibus mortuorum, præberent (a) au- res. Eas enim gentes, quæ ad hæc studia animum adje- cerant, Judæis Numen sanctissimum ideo exscindendas tradidisse, divina monemur voce. Eum etiam de societa- te hominum (b) iri deletum Deus optimus maximus mi- natur, qui magum, consulendi ejus gratia, adierit. Bi- leamus, cum prognatis a Jacobo, Israele dicto, bene pre- catur, illud huic genti magna in laude ponit, quod nul- lus sit (c) magus in Jacob, nec ariolus in Israel. Quæ igitur major esse vis potest ad legislatorem in improbos concii-

concitandum, quam divini verbi auctoritas, qua in Deo auctore innixa, homini Christiano nihil potest esse gravius, & nihil sanctius.

§. XLI.

Perfpiciet etiam, quicunque humana mente præditus est, crimen nullum esse tam capitale, quam illud, quod a mago, cui foedus cum Dæmone contractum est, committitur. Cum enim duobus Dominis dicto obedientes esse non possimus, quid atrocius est, quam, transitione hoc modo facta¹, a Deo immortali deficere, & renunciare foederi, quod, cum sacro ablueremur fonte, summo cum Numine junximus. Quid denique levius, quam suam perdere salutem, & ejus se spoliare usu felicitatis, quæ, anima a corpore morte disjuncta, initium capiet, exitumque habebit nullum? Quid igitur tam alienum ab hominis Christiani moribus?

§. XLII.

Nec cum improbis tuta est societas. Jam veteres de Mathematicis male sentiebant. Genus erat hominum *potentibus infidum, sperantibus fallax, quod tamen*, ut queritur (a) TACITUS, in civitate nostra & vetabitur semper, (a) L. 1. C. 32. Hist. & retinebitur. Negabat quoque EUDOXUS, PLATONIS auditor, illaque memoria, ut TULLIUS arbitratur, in Astrologia facile princeps, (b) Chaldæis in prædictione & (b) L. 2. C. 42. de Divin. notatione vitæ cujusque ex die natali esse credendum. Nec ab EUDOXO FAVORINUS dissidet. Illud enim of- fuciarum (c) & præstigiatarum genus commentos esse ex- (c) GELL. L. 14. C. 1, istimat homines æruscatores, cibum quæstumque ex mendaciis captantes. Eorum prædictiones (d) apud TULLIUM (d) L. 2. C. 42. de Divin. *monstra*, (e) & a VALERIO MAXIMO *mendacia* appel- (e) L. 1. C. 4. lantur. Vetus etiam Jureconsultus his utitur verbis, (f) (f) Auct Collat. LL. inter- Mosaic. & Rom. t. 15.

interdicta est Mathematicorum callida impostura, & cum obstinacitate persuasio. Potentibus infidi optime illi dicebantur, quoniam res novas molientibus, magna & incredibilia ad ipsorum nuntiarent voluntatem, & hac ratione excitarent seditiones, quamvis eidem, qui fallacibus movebantur promissis, sapius perderentur. Quod Ottonis exemplo fit perspicuum. Nulla eum res ad arma, contra Vitellium capienda, compulit vehementius, quam Seleuci, aliorumque Mathematicorum auctoritas, *egregios siderum motus, clarumque Ottoni annum nuntiantium.* Mox enim factæ seditionis pœnas Vitellius ab eo expetivit. Mathematici denique crudeliora sapius dederunt consilia, quibus optimo cuique perniciēs creabatur. (h) Tiberius enim Nero, cum stella crinita, quæ vulgo summis potestatibus exitium portendere putatur, per plures orta esset noctes, de ea re anxius, Babilum consuluit astrologum, a quo, responsum tulit: *Solere reges talia ostenta cæde aliqua illustri expiare, atque a semet in capita procerum depellere.* Tum ille *nobilissimo cuique exitium destinavit.* Illud Menippi audire juvat (i) ἀλλὰ κατὰ τὰς μέν-
ταις τῆτο ποιῆς, ἔδος γὰρ ὑμῖν μηδὲν ὕγιες λέγειν.

§. XLIII.

Haud dissimilis est causa vatum hariolorumque. Sapius enim ab eis respublica turbata est. Exturbandos igitur illos ex civitate Romani prudenter censuerunt, ne, ut ait PAULLUS, (a) *publici mores ad spem alicujus rei corrumparentur, vel certe ex eo turbarentur populares animi.* Certe negotii plurimum vaticinationes, quæ de templo Cœlestis emergebant, exhibuerunt (b) Pertinaci, cum adhuc pro Consule Africam obtineret. Scipio etiam, ille, quem Africanum vocant, cum in Hispaniis exerci-
tum

(g) SUET. in Otton.
C. 4. TACIT. hist. L.
I. C. 22. adeat. PLU-
TARCH. in Mario,
TACIT. L. 12. An-
nal. c. 68.

(h) SUET. in Ner.
C. 36.

(i) LUCIANUS in
Dialogo Menipp. &
Tirefiæ.

(a) Sentent. recept.
L. 5. §. 21.

(b) Jul. Cap. in Perti-
nace, C. 4.

tum duceret, omnes ariolos castris jussit exigi, quia vaticinationibus suis modo timore, modo spe militum imple-
rent animos, & in causa essent, (c) ut multitudo regere-

(c) App. Alexand. de
bell. Hispan. p. 317.
edit. Tollij.

§. XLIV.

Magiam vero civitas bene morata inultam non re-
linquet. Eos enim quantum averfari par est, qui, Numi-
nis deposito metu, abjectaque religione, convincuntur so-
cietatem iniisse cum Doemonibus, divina damnatis senten-
tia, generique humano, ut eos nobis facer describit Codex,
adeo inimicis? Nullum enim scelus est tam atrox, quod
illi committere non audeant. Quid enim tibi ab eo non
metuas, qui consuetudine cum ipso fonte turpitudinis hu-
manæ, miseriarumque nostrarum juncta, eo flagitii pro-
gressus est, ut, cetera delicta, tanquam levia, possit asper-
nari.

§. XLV.

Auspiciis porro quid incertius, quid fallacius, præ-
fertim cum in ipsa augurandi disciplina tanta fuerit vete-
rum dissensio? Quæ enim auguria Deiotaro erant in usu,
ea plurimum a Romanis auspiciis differebant, nonnulla
etiam (a) erant contraria. Nec alia re, quam auspiciis ac
religionibus, commotus est Pharnaces, ut, iniquum in lo-
cum progressus, manus cum Cæsare confereret, (b) & tan-
ta cum clade cædeque exercitus in fugam ageretur. Nec
fortasse alia de causa multa ejus disciplinæ (c) TULLII ata-
te a Romanis ipsis ignorabantur, quam quod eis persuasum
esset, niti doctrinam augurum civitatis potius regendæ
scientia, quam certis suis rationibus & principiis. De ha-
ruspicina eadem CATO existimat, (d) mirari se, ait, quod
haruspex, cum haruspicem viderit, non rideat. Parum

(a) CIC. de Divin.
L. 2. C. 36.

(b) A. HIRT. Com-
ment. de bell. Alex-
andr. C. 74.

(c) Cic. de Divin. L. 1.
C. 15.

(d) CIC. L. 2. C. 24. de
Divin. L. 1. C. 26. de
nat. Deor.

(e) SUE T. in Aug.
C. 94.

etiam abfuit, quin (e) Veliternis haruspicina interitum afferret. Cum igitur omnes hos divinandi incantandique conatus, de quibus nunc actum fuit, tanto habeat odio Deus immortalis, & tam gravia rebus publicis incommoda ex eis conflentur, vanæ spes, rerum novarum studium, seditiones, bella intestina, aliaque ejus generis mala exinde nascantur, magna utique imperatoribus fuit causa, ut, quoad tuto possent, huic tanto civitatis morbo mederentur, & suæ providerent securitati, quamvis ad opratum consequendum poenis gravioribus esset opus. Temporum enim istorum ratio graviora supplicia postulabat. Cum illis enim, qui imperium appetebant, creberrime imperatoribus erat bellandum.

§. XLVI.

Nec odii expers in illud hominum genus fuit antiquitas. Sæpius enim negotium magistratibus a Senatu Romano datum est, ut vates foro, (a) circo & urbe arcerent. Chaldaeos autem, libera adhuc civitate, Hispalus prætor (b) urbe & Italia intra decem dies abire jussit. Deinde ab Agrippa, qui ædilitatis munus obibat, mathematicorum magorumque multitudo (c) urbe exacta est. (d) Fustibus eos cæsos, & civitate pulsos, Paulus memorat, perseverantes autem esse in vincula publica ductos, aut in insulam deportatos, vel certe relegatos. Neque multos in Augustorum numero reperias, qui (e) huic arti non accerrime obstiterint. Severe admodum in mathematicos Tiberius animadvertit, omnesque, qui cives non erant, (f) morte affecit, eis autem, qui Romani erant, & divinandi studio nuntium remittebant, veniam dedit. Illi vero Romanorum, qui ad eas ineptias revertebantur, in exilium missi sunt. (g) Hoc est Senatus Consultum, quod scriptor

(a) LIV. L. 39. C. 16.

(b) VAL. MAX. L. 1.
C. 4.

(c) Dio.

(d) Lib. 5. Tit. 21.
recept. sentent. §. 1.

(e) Auct. Collat. LL.
Mosaic. & Rom. t. 15.
§. 2.

(f) DIO in Tib. L. 57.
TACIT. Annal. L. 2.
C. 32. SUE T. in Tib.
C. 36.

(g) Collat. Mos. &
Rom. t. 15. §. 2.

ptor vetus obscure memorat, & Consulibus insequentis anni male adscribit. Idemque Tiberius, cum haruspici-
nam, susceptam a majoribus religionem, abolere non pos-
set, inde tamen multa proficisci videret, quæ imperatori-
bus essent perniciofa, (h) secreto ac sine testibus aruspi-
ces consuli vetuit. Claudio deinde Principe de mathema-
ticiis ex Italia exterminandis, (i) atrox, sed irritum Sena-
tus Consultum factum est. VITELLIUS vero veraculis
& mathematicis adeo erat insensus, ut inauditum (k)
quemque capite puniret. (l) A Divo Pio etiam de ho-
minibus illis rescriptum est. Haudquaquam tamen inter
se congruunt constitutiones Augustorum, qui post illud
tempus rempublicam tenuerunt. Severus enim, ut ar-
tem (m) publice profiterentur, Mathematicis, permisit,
Maximianus vero & (n) Diocletianus mathematicam ju-
dicarunt *damnabilem* esse & interdictam omnino. In eo
tantum nihil discrepant Imperatorum edicta, quæ de illis
emissa sunt, qui divinandi peritiam profitentur, quod nefas
sit ea investigare, quæ de Augusto, aut de summa republica
futura sint. (o)

(h) SUET. in Tib.
c. 63.

(i) TACIT. Annal.
l. 12. c. 52.

(k) SUET. in Vitell.
c. 14. vid. Cas. in not.

(l) Collat. LL. Mos. &
Rom. T. 15. §. 2. vid.
ibi plura.

(m) LAMPRIID. in Se-
vero c. 27.

(n) L. 2. C. h. t.

(o) PAUL. sentent. l. 5.
t. 21. §. 3. adde l. 9. C.
Th. h. t.

§. XLVII.

Magno enim afficiebantur supplicio, qui de impera-
tore aut de summa rerum mathematicum percunctati
erant. Capitis damnati simul cum eo sunt, (a) qui inter-
rogatus responderat. Negabat itaque (b) Servilia de
Principis salute Magos se consuluisse. (c) Neque Libo
alia re interiit. (d) Servis etiam non licuit inquirere de
salute Dominorum, poena crucis illi proposita, qui consu-
luerit, servus vero, qui responsum dedit, aut ad metalla
detrusus, aut in insulam deportatus est. Ceteri, qui de
sua quaesierant suorumque salute, (e) mitius plectebantur.

(a) Auct. Collat. LL.
Mos. & Rom. t. 15.

§. 2. PAUL. sent. l. 5.
t. 21. §. 3. AMMIAN.

MARCELL. l. 19. c. 12.

(b) TACIT. Annal.
l. 16. c. 31.

(c) id. Annal. l. 7.
c. 30. 31.

(d) PAUL. sent. re-
cept. l. 5. t. 21. §. 4.

(e) Auct. coll. LL. Mos.
& Rom. t. 15. §. 1. ita ibi
cum Jacobo Godofre-
do legit Schulting.

§. XLVIII.

Postea autem, quam summa orbis Romani potestas ad Christianos delata fuit, omnes hæ sordes & flagitia sensim pedetentimque excisa sunt. Eoque facilius a Christianis negotium confectum est, quo altius verba ista, quibus a Deo immortalis homines, ineptiis istis vacantes, devotentur, animo infederant. Qui Princeps Christianorum sacra professus est, CONSTANTINUS, ille, qui ex virtute Magni cognomen invenit, (a) *magorum maleficia punienda, severissimisque vindicanda legibus, decrevit*. Nec mitius cum magis egit Constantius, Constantino, quem modo nominavimus, genitus, quin etiam (b) *graviori supplicio nefarium illud hominum genus compressit*. Valentinianus etiam & Valens (c) *magicos apparatus celebrantes, competenti animadversione maculare, perenni auctoritate censuerant*. Haruspicinam autem Constantinus, inter primordia abolendarum superstitionum funditus delere cunctatus, metu plebis, cujus maxima pars antiquos retinebat ritus, (d) *secreto tantum haruspices consulere vetuit*. Et illud potius tum agitalle credimus Constantinum Imperatorem, cum haruspices explanando prodigio, quod, (e) *palatio fulgure tacto, nuntiabatur, juberet adhiberi*, contra quam aliis videtur, qui arbitrantur, ab his præstigiis haud omnino Constantinum fuisse alienum. Adducor tamen, ut arbitrer, ab omni penitus haruspicinæ usu Constantinum Romanos arcuisse, novissimis præsertim imperii temporibus. Etenim (f) EUSEBIUS, (g) CONSTANTIUS, magni istius CONSTANTINI filius (h) alique verbis declarant expressis, noluisse Constantinum Romanos sacris operari Deorum, idque interdicto publice fuisse cautum. Minime equidem ignoramus, (i) multa in eodem legi

EUSEBIO

(a) L. 4. C. h. t. l. 3.
C. Th.

(b) L. 6. C. h. t. l. 5.
C. Th. h. t.

(c) L. 7. C. Th. h. t.

(d) L. 1. 2. C. Th. h. t.
l. 1. C. Th. de pag. &
sacrif. v. sacrificiis
domesticis.

(e) L. 1. C. Th. de pag.
sacrif. & templ.

(f) L. 4. c. 23. ὁμοίως
τε τρόπος παρ, c. 25.
πάσαις μη θύειν εἰδούλαις.

(g) L. 2. C. Th. de pag.
sacrif. & templ.

(h) SOZOMENUS
l. 1. c. 8.

(i) L. 2. in vit. C. m.
C. 56. verb. ὁμοίαν τοῖς
πιστεύουσιν & c. it. l. 60.
Constant. ad cæt. sanct.
C. 11. verb. ἀτιμώρητον
Euseb. de Laud. C. m.
verb. τῆς ἀγιοσύνης & c.

EUSEBIO, alibique, quæ nostræ sententiæ refragari videantur, vir prudens tamen affirmare non ausit, publica, quæ in jure adhuc exstant, monumenta, & quæ tum temporis præcipue, cum condita erant, mendacii facile coargui poterant, nihil ad hanc rem comprobendam afferre ponderis, Eusebiumque, gravissimum rerum sua memoria gestarum testem, sibi ipsum repugnare. Verum ita potius sententia ferenda est. Cum temporis ratio haud ita accurate ab EUSEBIO, aliisque, qui Constantini res gestas literis expresserunt, sit inita, credimus, cum illud, quod aliquando Romanis licuerit incestas suas celebrare ceremonias, tum, quod Constantinus, sublato Maximino Licinioque, & novissimis præcipue temporibus, omnem nefarium Deorum cultum e republica exturbare cœperit. Poena autem eis, qui sacra publice faciebant, proposita, aruspicina quoque, quæ in extis occupabatur, impunita esse desierat. Quæ vero restat, haruspina pars, quæ in prodigiis versabatur explicandis, de ea etiam legibus sanxisse Constantinum, testatur (k) EUSEBIUS. A (l) CONSTANTIO certe hac arte Romanis interdictum est. Verum redeunte ad funesta paganorum sacra Juliano, aruspicina, auguria, ceteraque ejus generis inventa in lucem revocata sunt, & vires receperunt. Id quod, ut ego quidem existimo, Valentiniano Valentique (m) maxime obstitit, quo minus ab omni plane aruspicina Romanos excluderent. Illi enim tantummodo caverunt, ne haruspicina nocenter exerceretur. A Gratiano demum & Valentiniano rei finis impositus est. *Cruciatu* (n) enim ei minantur, quisquis mortalium inspectione fecoris, extorumque præfagio, vane spem promissionis accipere conaretur.

(k) in vita C. m. l. 2.

c. 45. verb. *μὲντοι τῶν καὶ ταῖς ἀλλοδαπῶν περὶ γυλαῖς.*

(l) L. 5. C. h. t. l. 4. C. Th. h. t.

(m) L. 9. C. Th. h. t.

(n) L. 2. C. de pagan. sacrif. l. 9. C. Th. de pagan. sacrif. & templ. vid. præterea l. 12. C. Th. ibid.

§. XLIX.

De auguriis autem, ut credamus, Constantinum se-
 vere constituisse, (a) EUSEBII fide adducimur. Constan-
 tius certe non in augures solum, sed mathematicos quo-
 que, (b) denique in omnes, qui fata prædicere conantur,
 graviter animadvertit. Juliano tamen ad Idola defle-
 ctente, non potuit fieri, quin hæ etiam sordes, modo de-
 tersæ, in lucem iterum proferrentur. Id quod, ut ego
 quidem sentio, Valentiniano, Valenti & Gratiano, Augu-
 stis, necessitatem attulit negandi, haruspicinam, (c) *ullam-
 que sese a majoribus traditam religionem genus arbitrari*
esse criminis. Mathematicos tamen Valentinianus &
 Valens (d) *recedere ab errore cohibito* jusserunt, pœna ca-
 pitis proposita illis, qui eam artem docent aut discunt.
 Qua de causa (e) HONORII quoque & Arcadii lex quæ-
 dam exstat, quam suo loco persequemur. Neque ab eo
 abhorremus, ut arbitremur, insequenti tempore, cum
 Romani obedirent Gratiano, Valentiniano, Theodosio,
 deinde cum illi Honorio & Arcadio, Augustis obtempe-
 rarent, omnia hæc facinora iterum gravissime fuisse vin-
 dicata. Si enim unquam, ea (f) profecto ætate, pagano-
 rum religio profligata est. Haruspicina (g) certe, ac re-
 liqua sacrificia nefaria, ab illis non impunita sunt relictæ.
 Et hæc rerum fuit facies, minime constans & perpetua illa
 quidem, (h) sed pro seditionibus bellisque intestinis varia
 & turbata. Tandem negotio summam manum imposuit
 Justinianus, legibus, quæ unquam de his criminibus pro-
 dierunt, in unum exemplar, quod Codicem nuncupa-
 mus, (i) congestis, eisque ad illud, quod placuerat, reda-
 ctis, (k) partim omittendo, quod diutius in usu esse nol-
 let,

(a) in vita C. m. l. 2.
 c. 45. verb. *πεπιστυχαις*.

(b) L. 4. C. Th. h. t.
 l. 5. C. J. h. t.

(c) L. 9. C. Th. h. t.
 AMMIAN. MAR-
 CELL. l. 30. c. 9. v.
reperit.

(d) L. 8. C. Th. h. t.

(e) L. 10. C. de Episc.
 aud. l. 12. C. Th. h. t.

(f) vid. tit. Cod. Just.
 & Theod. de pag. sa-
 crif. & templ.

(g) L. 7. C. Th. l. 9. l. 12.
 §. 2. C. Th. de sacrif. &
 templ.

(h) L. 5. C. Th. de pag.
 sacrif. & templ. SO.
 ZOMEN. Hist. Ecclef.
 l. 7. c. 22.

(i) vid. JUSTIN. ad Se-
 nat. Const. de nov. Cod.
 faciendo.

(k) vid. Exempl. l. 7. 9.
 l. 10. C. Th. h. t. confer.

let, partim contrahendo (1) quæ antea divisa fuerant. Quo jure adhuc utimur.

(1) L. 1. 2. C. Th. cum
l. 3. C. Just. it. l. 8. C.
Th. cum l. 8. C. Just.

§. L.

Hæ sunt leges illæ, ad quarum investigationem, ordine invitati, nunc descendimus. Hactenus enim nomina, quæ ex sceleribus *mathematici, malefici, ceterique* sortiti sunt *similes*, facinoræque eorum a nobis demonstrata sunt. Jam res postulat, ut etiam de vindicta, quam leges ab illis expetunt, videamus. Principio Codex Mathematicos nominat, quibus Chaldaeos, astrologos, denique omnes contineri, qui ex numeris, somniis, cœlique situ res imminentes præcipere contendunt, ex eis, (a) quæ exposuimus, elucet. Omnibus autem his (b) vita gladio finienda est. Ut enim Constantii utar verbis, *nemo Mathematicum consulat. Sileat omnibus perpetuo divinandi curiositas. Gladio ultore ferietur prostratus, quicumque iussibus nostris obsequium denegaverit.* Consequitur ex eis verbis, discrimen, quod, PAULLO teste, aliisque, intercedebat, si (c) quem de summa republica, aut de re leviori mathematicus edocuisset, nullum amplius a legibus statui. Nec illud temere ab Imperatoribus factum est, qui hoc modo credulis turbulentisque hominibus omne eripuerunt integumentum, quo animum velarent seditiosum.

(a) vid. §. 4. 5. 6. seq.

(b) L. 5. C. h. t. l. 4.
C. Th. h. t.

(c) vid. §. 47.

§. LI.

Nec levius de illo sumetur supplicium, qui a mathematico requisiverit, quæ tandem de fine negotii ex arte sua ille conjiciat. (a) Gladio enim, ut mathematicus, periturus est. Nec minuet legum severitatem, si quis forte in re parva mathematici opera usus sit. Leges enim absolute prohibent, ne tale commercium habeamus cum mathematicis. Ac ne illud quidem dubitamus, (b) cum

(a) L. 5. C. h. t. verb.
*nemo mathematicum
consulat. deinde iussibus nostris.*

(b) §. 7. inst. l. 6. §. 9.
l. 22. §. 6. mandat.

mandati, quod contra bonos est mores, nulla sit obligatio, sed unicuique criminis sui sit ratio reddenda, eum etiam, (c) qui ex mandato mathematicum consulit, gladii poenam sustinere.

(c) arg. l. 152. §. 1. de reg. juris v. *dejicit*. l. 7. §. f. ff. d. *jurisdict.*

§. LII.

Verum hanc legem, quam de mathematicis condidit Constantius, magna ex parte ab (a) HONORIO et THEODOSIO esse abrogatam, multis de causis opinamur. Domi ubi vivis nascitur, humanarum sanctionum eam esse naturam, ut, si quando Principi aliud constituere placuerit, antiquior constitutio rescindatur (b) recentiori lege, utcumque hæc repugnaverit. Id quod hic usu evenit. Accedit etiam, quod, si de suppliciis agatur, ea sequi debeamus, (c) quibus rei atrocitas emollitur. Videmus autem, temperari ab HONORIO severitatem Constantii, & errantibus consuli. Nec de sententia nos removeret, quod utrumque & CONSTANTII & HONORII edictum eodem comprehendatur Codice. Hoc enim ipsum indicio est, auctoritatem juris a Justiniano legi posteriori esse attributam. Sine ratione autem hoc HONORII edictum JUSTINIANUS non retinuit, qui antea clare indicavit, quod novissimum jus priori sit potius. Idque eo majori de causa fecit, quia HONORIUS non abrogat, quæ a Constantio erant decreta, sed his tantum aliquid derogat. Illud etiam ab omnibus intelligitur, peculiare quid, quod ad reliquas causas ejusdem argumenti non sit applicandum, ab HONORIO definitum non esse.

(a) L. 10. C. de Episc. aud. l. 12. C. Th. h. t.

(b) L. 4. ff. de Constit. Prin.

(c) L. 9. C. de LL. & Constit. Pr. l. 32. 42. ff. de pæn.

§. LIII.

De mathematicis (a) igitur jus ita reddendum est. Mathematicus, nisi codicibus *erroris proprii*, inspiciente episco-

(a) L. cit. 10. de Episc. aud.

episcopo, combustis, *catholicam* religionem amplectatur, nec postea ad pristinam revertatur vitæ consuetudinem, non solum urbe Roma pellendus, sed omnibus etiam civitatibus arcendus est. Sin vero legi non obtemperaverit, aut, civitatibus extrusus, intravit eas, aut *secreta erroris & professionis insinuaverit*, in insulam est deportandus. De illo autem, qui de futuro Mathematicorum prædictiones elicit, nihil immutatum est.

§. LIV.

Reprehensione fortasse digni videremur, si paucis non illustraremus singulare illud exilii genus, quod omnibus relegatos prohibet civitatibus, nec tamen eos in locum certum, aut in insulam compellit, & quod pro eo, ac nobis cognitum est, leges hic tantum in improbos statuunt. Constat exsulem (a) tribus fieri modis. Etenim damnati (a) L. 5. de interdict. & relegat. aut ab urbe (b) quadam & regione removentur, aut omnibus locis, nisi qui eis (c) ad domicilium concessi sunt, (b) exempl. in l. 7. §. 15. 16. 19. (c) exempl. in l. 7. §. 8. 9. 19. quod animadversionis genus lata fuga nominari solet, prohibentur commorari, aut insulæ vinculo constringuntur. Ad priorem relegationis speciem referre nullo modo possumus, quando quis omnium urbium privatur usu. De deportatione autem, quæ fit in insulam, multo minus hanc legem quispiam accipiat. Etenim, ut meminimus, ille demum Mathematicorum in insulam est exponendus, qui (d) aut ex legis sententia rite resipiscere nolit, aut postea (d) L. 10. de Episcop. ad maleficia reversus fuerit, aut professionis suæ & erroris *secreta insinuaverit*. Efficitur exinde, ut latæ fugæ supplicio HONORIUS Mathematicum afficiat. *Hodie enim* (e) *in aquæ & ignis interdictionem deportatio successu*, adeo (e) L. 3. ff. ad L. Jul. Peculat. ut quartum non detur genus exilii.

§. LV.

Omnes nobiscum consentire existimamus, lata errare fuga, qui excellentioris imperii Romani partis, omnium commercio oppidorum, quæ pagis sane præstant, spoliatur. Qua ex re (a) egregia MARCIANO lux accedit. Illorum deinde, qui late a legibus fugantur, discimus (b) duplicem esse conditionem. Sunt enim, quibus vagari in agris licet, dantur etiam, qui finibus certis, ubi versentur, circumscripti sunt. Libertatem autem in agris consistendi, ubicunque velit, Mathematico esse relictam, vel ex eo consequitur, quod ille in insulam tum (c) demum transmittatur, quando in civitatibus fuit comprehensus, minime vero, cum finibus, a iudice ad habitandum præscriptis, excesserit. Hanc tamen exsuli libertatem haud ita frequenter fuisse concessam, ex illis auguramur MARCIANI verbis, (d) *præter certum locum*, quibus consuetudo illius temporis indicatur.

§. LVI.

Lege eadem præcipiente, tempus etiam in insula teret mathematicus, qui *secreta erroris sui & professionis insinuaverit*. Nota res est, si cui quid in finem tradiderim, verbo insinuare significanter illud posse exprimi, (a) & insinuari voce significari, quod finu aliquid acceptum sit. Inde orta loquendi formula, (b) *insinuare se familiariter in alicujus sermonem*, (c) *insinuare se alicui comitate & obsequendi gratia*. Sed missa hæc faciamus, quæ pro multitudine sua ubivis occurrunt. Deinde, si hallucinari licet, quia res, quæ alterius in finem defertur, ei etiam exponitur, manifesta que sit, vocis insinuare usus eo tractus est, ut *rem aliquam denotet significare & efficere perspi-*

(a) L. 5. ff. de interd. & releg.

(b) arg. l. 1. ro. de Episc. aud.

(c) jungat. l. 28. §. 13. de pœn. l. 4. ibid.

(d) L. 5. ff. de interd. & rel.

(a) NON. MARCELL. de propriet. sermonis.

(b) CIC. c. 5. de Leg. agrar. contra Rullum.

(c) JUSTIN. l. 5. c. 2.

perspicuam. Eademque mente (d) leges hoc vocabulo (d) L. n. de Legat. 3. §. 2.
 usa sunt, aliud est suam fidei committenti voluntatem pare-
 dibus insinuare, quibus (e) MACROBIUS adjungendus, (e) L. 1. c. 4. Saturnal.
 ubi ille, insinuabo, ait primum de Saturnalibus, quod vir l. 1. C. de fid. Cathol.
 summus, CLAUDIUS SALMASIUS (f) per declarationem, (f) ad Solinum p. 19.
 ἐμφανίζεν reddit atque explanat, Gallorumque enseigner ex it. ad Julii Capitolini
 eo originem ducere, sibi persuadet. In sensus cadit, oport. imperat. Verum, C. 1.
 tere nos hanc legem ita interpretari, & hanc sermonis re- LABBÆI Glossarium
 tinere consuetudinem, Jureconsultis (g) antea usitatam. latino græcum p. 79.
 Optime enim hoc congruit cum verbo *secreta*, quæ insi- (g) Leges supra citata.
 nuari, seu, ut vertamus, patefieri, aliisque enunciari, Im-
 peratores non sinebant. Ratione etiam, quæ legi huic
 causam dedit, adjuvamus. Mathematicis fas non erat ef-
 vitates adire, ne rerum novarum cupidis, qui eis uti vel-
 lent, essent ad manum. Quid igitur, si vocabulo *insinua-*
re non omnia Mathematicorum responsa cohibebantur,
 Principum intererat, utrum factiosi homines in urbibus,
 an in agris eorum opera fruerentur. In insulam itaque
 conjicietur Mathematicus, qui secreta erroris & professio-
 nis suæ ediderit, aliisque aperuerit. *Secreta* autem erro-
 ris eorum sive hac ratione dicuntur, quod ars, quæ homi-
 nibus rerum eventus denuntiat, ab ipsis majori in pretio,
 & ideo occulta haberetur, sive quod illa, quæ nobis acci-
 dunt, Deus immortalis obscuritate involverit, hominesque
 celer. Et hanc ob causam optimo jure Mathematicorum
 erroris fit mentio. Professio autem, cum ipsam ostendit
 declarationem, (h) quam quisque rem, aut quod vitæ ge-
 nius sequi statuerit, & (i) de turpioribus etiam usurpatur
 facinoribus, tum illud denotat, quod aliquando Mathe-
 maticis concessum fuit, ut (k) *professi sint, ut docerent.*
 Ideoque teste auctore veteri, (l) professio tantummodo,

(h) TACIT. l. 1. hist.

c. 1. & alii.

(i) id. l. 2. Annal. c. 85. &c.

(k) ÆLIUS LAMP. in Severo c. 27. Col- lat. LL. Mos. & Rom. t. 15. de mathem. & Manich.

(l) Au&. Coll. LL. Mosæ. de Mathem. & Manich.

(m) jungat. L. 3. C.
h. t. l. 3. C. Th. h. t.

non notitia studii illius prohibita fuit. Si quis autem ex eis, quæ modo protulimus, conjiciat, non solum libertatem respondendi de fato, sed etiam fatalis doctrinæ propagandæ, Mathematicis fuisse (m) ademptam, eidem nos minime repugnamus.

§. LVII.

(a) L. 6. C. h. t. l. 5.
C. Th. h. t.

Habuiamus hæc, quæ diceremus, de Mathematicis. Nunc transimus ad maleficos. Pluribus sumus persecuti, Maleficorum nomen magos essenactos, eosque pro magis haberi, qui vel cum Dæmonibus, a summo Numine ad carceres detrusis, societatem paciscantur, vel cantionibus, carminibus, aliisque superstitiose & improbe utantur ineptiis, quibus nihil unquam virium ad impetrandum optatum natura iniecit. Magos autem, ut lex est horrendi carminis, (a) *elementa turbare, vitam infantium labefactare non dubitantes, & ventilare, manibus accitis, ausos, ut quisque suos conficiat malis artibus inimicos, quia natura peregrini sunt, pestis feralis absumat.*

§. LVIII

(a) ad hanc legem.

Novimus de peste *ferali* varias esse eruditorum opiniones. (a) Accursius, qui verbum feralis a feris emanare arbitratur, altius rem petit, magosque eadem peste, qua feræ interire solent, ferro seu gladio delendos autumat. Verum largiamur Accursio, viros doctos facile posse in eam incidere conjecturam. Quid opus erat Constantio tam lugubri *pestis feralis* voce, cur tam dira idem utitur atrocium factorum commemoratione, si non graviores Magos, quam Chaldæi pendunt, luere pœnam voluisset. Quare tandem tam multis verbis gladii supplicium obscurasset?

raffet? Inepte etiam Constantius verba elegisset tam truculenta, nisi gravius quid de magis decerneret. Antea (b) enim magos vivos combustos, (c) bestiisve objectos fuisse ex Paulo cognoscimus. Græci profecto, qui commentationibus suis libros illuminarunt, quibus recentiores Imperatorum Græcorum sanctiones continentur, ista verba in hanc partem non interpretati (d) sunt. Satis, opinamur, apparet, Accursio nos nullo modo posse assentiri.

(b) PAUL. sentent. l. 5.

l. 23. §. 17.

(c) id. l. 5. 23. §. 15.

(d) Basilicon. l. 60. t.

39. p. 701. ex edit. Fa-

brotti. PHOTIUS

in Nomocan. t. 9. c. 25.

§. LIX.

Discedamus igitur a sententia Accursii, satis abundeque labefactata. Alia est sententia viri doctissimi, (a) DIONYSII GOTHOFREDI, qui *peste ferali* flammæ supplicium magis irrogari existimat. Rationem, qua nititur, eam reddit, quod placuerit Imperatoribus, eodem incendio sceleratos istos conflagrare, quo ipsi hostias, quas diis manibus immolabant, & quæ ceremoniæ feralia appellabantur, consumebant. Inficiari equidem non possumus, (b) feralia Romanis fuisse festa, quæ in honorem mortuorum celebrabantur. Hinc (c) feralis dicitur urna, quæ reliquias custodit mortuorum, ipsæ reliquæ dicuntur (d) ferale, & quæ ad (e) sepulturam pertinent, feralia nuncupantur. Neque dissimulamus, (f) olim etiam magos igni esse necatos. Optime etiam huic supplicio convenit tam (g) acerba *pestis feralis* vox, siquidem, ut ex Paulo colligimus, ignis supplicium habebatur gravius, quam cum bestiis reus objiceretur, aut in crucem tolleretur. Verum hanc etiam DIONYSII conjecturam multæ difficultates circumstant. Etenim in eo, quod ab igni, quo in feralibus hostiæ exurebantur, ad magorum exustionem argumentatur, magna circuitione vir eruditus usus est.

(a) ad dictam Legem.

(b) VARRO de Ling.

Lat. l. 5.

(c) TACIT. annal.

l. 3. c. 1.

(d) id. l. 2. c. 31.

(e) id. l. 1. c. 62, jun-

gat. QUINTILIAN.

Decl. 12. p. 110.

(f) PAUL. l. 5. t. 23.

§. 11 - 17.

(g) Loco cit. PAUL.

(h) vid. l. i. C. Th. de
parricid. verb. ferales
angustiz. AMMIAN.
MARCELL. l. 19. c. 12.
l. 22. c. 5. MINUTIUS
FELIX Octav. c. 7.

(i) Basilicon l. 60. t.
39. p. 701. PHOTIUS
in NOM. t. 9. c. 25.
text. & Schol.

est. Ex *feralis* autem vocabulo, cum illud etiam ad alia,
quæ (h) atrocita sunt, transierit, sententiæ DIONYSII nihil
ponderis accedit. PAULI etiam testimonium hac lege
multo est antiquius. Et ne monumenta quidem rerum
Romanarum, quæ post hanc legem gestæ sunt, DIONYSIO
GOTHOFREDO satis suffragantur. Quin interpretes
Græci, quos modo laudavimus, (i) PHOTIUSque renuunt.
Quæ cum ita se habeant, docto isti viro accedere, non im-
merito dubitamus.

§. LX.

(a) ad l. 5. in Cod.
Theodos. Basilicon
l. 60. t. 39. p. 701.
PHOTIUS in NOMO
CAN. t. 9. c. 25. cum
textus tum Scholia.
(b) Sentent. l. 5. t. 23.
§. 15.

(c) id. loc. cit. §. 17.

(d) jungat. JACOB.
GOTHOFR. ad l. 9.
C. Th. de pag. sacrif.
& templ.

Aliter item de peste ferali sentire videmus (a) insi-
gnem omni literarum genere Virum, JACOBUM GO-
THOFREDUM, qui fretus auctoritate Græcorum, ma-
gos bestiis objectos opinatur. Id quod a moribus vete-
rum haud abhorret. (b) Paulus enim testimonium per-
hibet, eos, qui *sacra impia, nocturna, ut quem obcantarent,
desigerent, obligarent, fecerint, faciendave curarint, aut
cruci affixos, aut ad bestias datos esse*, quibus (c) etiam
magicæ artis conscii dilaniandi offerebantur. Fatemur
equidem, si expendamus, quod vocabulum *ferale*, quan-
tum nobis quidem cognitum est, minime a feris, sed ab
inferiis descendat, & deinde ad omne, quod triste & acer-
bum est, transeat, multum adhuc scrupuli nobis residere.
Quæ nostra dubitatio augeatur, si temporis intervallum,
quod inter hanc Constantinil legem & libros, quos Basilicon
vocant, eorumque interpretes interjectum est, animo con-
templemur. Fac, oportere nos tempus ab eo metiri mo-
mento, quo Justinianus Imperator Codicem confecit
suum, magnus certe hic etiam, quo Græci ab Justiniani
ætate absunt, numerus annorum efficitur. (d) Eo tamen
ani-

animus inclinatur, ut illis Græcorum monumentis assensum præbeamus, hac imprimis ratione commoti, quod meliora, quæ sequamur, nobis desint, & quod Græcis istis fortasse, cum in ea versarentur republica, cui hanc legem Constantius scripserat, & quam legem ne posteriores quidem Græcorum Imperatores rejecerant, contingerit de illo supplicio certius quid, quod literis mandarent, explorare.

§. LXI.

Reliqua, quæ Lex (a) eadem comprehendit, lucem vix ullam desiderant. Per eos enim, qui elementa turbare audeant, sceleris coarguuntur, qui (b) in *maturas; vindemias, imbres, ventos aut grandinis lapidationes* immittunt, quæ posse carminibus excitari, (c) Romani olim crediderunt. *Vitam hominum labefaciat*, qui mortalium valetudinem efficere deteriore, fragile quæ corpus humanum pessundare elaborat. Subjicit his Lex, & (d) *manibus accitis, audent ventilare, ut quisque suos malis artibus conficiat inimicos.* Neminem fugit, magos professos esse (e) evocandorum manium scientiam. Ventilandi autem vox, ventum (f) nos movere, indicio est. Deinde, quia illa, quæ ventus rapuit, modo in hanc, modo in illam partem magna jaçantur celeritate, ventilatores etiam dicti, qui insigni celeritate usi re modo huc modo illuc devoluta admirationem spectantium (g) sibi conciliant. Tandem sicut ventus ea sæpius vertit, quæ vi sua agitat, ventilare causam dicimus, quam sæpius ponderamus & diligenter, quod sermonis (h) genus legibus inusitatum non est. Et profecto nihil hic aliud, quam tractatio ejus, *quomo-*

(a) L. 6. C. h. t. L. 5.

C. Th. h. t.

(b) a contrario L. 4.

h. t. L. 3. C. Th. h. t.

(c) cit. Leges. Jungat.

PLIN. L. 28. C. 2. seq.

hist. nat.

(d) hæc totidem se-

re verbis Canon nec

mirum C. 26. qu. 5.

(e) §. 20. Jungat.

AMMIAN. MAR.

CELL. L. 29. C. 2.

PHOTIUS in No-

moc. t. 9. C. 25.

(f) SVETON. in

August. C. 82.

(g) QVINTIL. Instit.

Orat. L. 10. C. 7.

(h) L. 6. C. pro Socio.

(l) ad L. h. C. Th.

(k) L. 4. L. 6. C. h. t.
L. 3. 5. C. Th. h. t.

do quisque malis artibus suos conficiat inimicos, a Constantio refrenatur. Eleganter etiam, si (i) JACOBO GOTHOFREDO aures praebeamus, magi ventilare dicuntur, quia fraudes suas cum inepta corporis jactatione, quæ ventilatorum est propria, plerumque disseminabant. (k) Artis autem nomen leges magorum disciplinæ sæpius tribuerant.

§. LXII.

(a) L. 4. C. h. t. L. 3.
C. Th. h. t.

(b) L. 6. C. h. t. L. 5.
C. Th. h. t.

(c) L. 5. C. h. t. L. 4.
C. Th. h. t. verb. ac
magi. deinde quicumque
iussis nostris.

(d) L. 2. C. de pag.
templ. L. 9. C. Th.
h. t.

(e) L. 7. C. h. t. L. 6. C.
Th. h. t.

(f) vid. AMMIAN.
MARCELL. L. 29.
c. 2. & passim. Jungant.

PLINIUS, QUINTUS
SERINUS, SAMMONI-
NICUS, Scriptores rei
rusticæ &c.

(g) Locis citatis & ali-
bi. Jungat. L. 1. ff. de
extraord. cognit.

Lex tamen non omnes, qui nomen magorum ferunt, eodem necat supplicio, sed occumbunt peste ferali illi tantum, (a) qui contra salutem hominum moliri, & pudicos animos ad libidinem deflexisse, aliaque commisisse, (b) quæ his similia sunt, detegentur. Mago enim, qui futuri cognitionem aliis impertiit, (c) gladius mortem afferet. Acerbioris tamen supplicii cruciatus ille sibi arcescere potest, si fata (d) sub execrabili consultatione indagaverit, aut eis se contaminaverit flagitiis, ut cum omnibus magis non immerito humani generis (e) inimicus judicari mereatur. Crimini porro non vertuntur humanis corporibus quæ sita (f) remedia, aut in agris innocenter adhibita suffragia, ne propinquis vindemiis maturisque frumentis venti grandinesque calamitatem inferant. Mirari nos fatemur, specie utilitatis ita captos fuisse Augustos, Christianis jam sacris imbutos, ut eosdem conatus, pro eo, quod inde nasci credebant, vel incommodo, vel emolumento, aut acerrime prohiberent, aut inconsulte permetterent. Denique cum ex eo, quod ab AMMIANO MARCELLINO proditum est, ratiocinari possimus, non semper eandem suffragiorum, reliquarumque nugarum fuisse (g) libertatem,

vix cogitando assequimur, cur nec Theodosio, quem juniorem vocant, nec Justiniano res digna fuerit visa, quam, aut priorum imperatorum legibus retentis, reprimerent, aut ipsi suis sanctionibus extirparent. A Leone profecto hoc vitium sublatum est, (h) summo supplicio in illum constituto, qui carmen ad valetudinem tuendam incantaret, & qui alia, quæ ejusdem essent notæ, perpetraret. Huic vero legi, cum Græcis ea tantum promulgata, nec a nobis in nostræ reipublicæ usum cum Justiniani operibus versa sit atque accepta, locus apud nos nullus relictus est. (i) Illud addere alienum non est, in medicorum numero habendos non esse, qui *imprecando, incantando, exorcizando*, quod verbum impostorum erat proprium, morbis mederi conabantur.

(h) Nov. Constit. 65.

(i) L. i. ff. de extraord. cognit.

§. LXIII.

Edicitur etiam, (a) aut unusquisque, qui maleficiorum labe pollutum aliquem *audierit, deprehenderit, occupaverit, eum, tanquam hostem communis salutis in publicum protrahat, & ostendat* (b) *judicium oculis*. Nichil est causæ, ut in his explicandis commoremur. Illud tantum non præteribimus, vocem *audire* hic non de quovis rumore, sed de certiori quadam cognitione, accipiendam esse. Verbum autem (c) occupandi tenere notat, ac in potestate habere. Addit his *Lex, quod si quisquam ex agitatoribus, seu ex quolibet alio hominum genere contra hoc edictum venire* (d) *tentaverit, ut etiam clandestinis suppliciis manifestum reum maleficæ artis opprefferit, ultimum supplicium non evadat*. Fatemur utique gravius quid hic ab imperatoribus constitui. Et enim si ea, quæ in hoc edicto antecedunt, considera-

(a) L. ult. C. h. t. L. ii. C. Th. h. t.

(b) C. Th. judiciorum.

(c) NON. MARCELLUS.

(d) Codex Theodos. temptaverit per Glossarium Labbæi.

(e) verb. ant claudes-
tinitis. vid. L. 124. de
verb. signif.

(f) §. 74.

(g) L. 2. C. Th. sequi.
de bon. proscr.

(h) L. ult. C. §. 6. ad
Leg. Jul. maj. Jungat.
L. 12. C. Th. de pag. sa-
crif. & templ.

mus, contra hanc legem facit, capitalique condemnan-
dus est sententia, qui maleficio contaminatum audivit,
deprehendit, occupavit, de eo tamen ad judicem nihil
detulit. Id quod apparet ex vocula (e) *aut*, cujus ea
plerumque est significatio, ut res, quibus illa additur, in-
ter se discernat. Ea igitur nobis est indicio, utrumque
delictum capitali poena esse vindicandum. Exstant ubi-
que vestigia odii, quod in maleficos ceterosque Impera-
tores susceperant. Ita eos Augusti, quamvis in ipso-
rum (f) sint comitatu, torqueri volunt. Ita Constan-
tius quondam æque, ac in majestatis violatæ judicio, non
sinebat (g) magorum filios admitti ad hæreditatem pa-
tris, eo crimine condemnati, ita nunc non secus, ac si
majestas imperii vindicaretur, illi etiam puniuntur, qui
scientiam ejus rei habuerunt, rem tamen (h) tacuerunt
tam atrocem. Tandem Lex causas affert, cur ille, qui
magum clam de medio sustulit, ultimo sit supplicio af-
ficiendus, quia, ait Lex, *gemine est suspicioni obnoxius,*
quod aut publicum reum, ne facinoris socios publicaret,
severitati legum & debite subtraxerit questioni, aut pro-
prium fortassis inimicum sub hujusmodi vindictæ nomine
confecerit.

§. LXIV.

Verum in eadem sanctione, in qua explananda ver-
sati modo sumus, fit mentio *agitatorum*, de quibus non-
nulla afferre operæ pretium erit. (a) De eo eruditi con-
sentiant, per agitadores aurigas intelligi, qui tempore spe-
ctaculorum in circo cum bigis, trigis & quadrigis decur-
rebant. Postulabantur illi sæpius veneficii, (b) sicut JACO-
BUS GOTHOFREDUS erudite animadvertit, id quod in
eorum

(a) vid. JAC. GO-
THOFR. ad h. L. C.
Th.

(b) ad hanc legem C.
Th.

eorum perniciem versum est. Cum enim morum disciplina Romæ inciperet solvi, illi, qui ære erant alieno obstricti, accusatorem subornabant aurigæ, ut venefico, metuque iudicii ab accusato tantum extorquebant, quantum ad extinguendum nomen (c) desiderabatur. Agitatores (c) AMMIAN. MARCELL. l. 28. c. 4. igitur ideo Lex Nomine expressit, quia isti inprimis hac laborabant infamia, & ex sociis eum optime poterant indicare, qui, ut palmam consequeretur, ad pravas in certamine artes confugisset. Illud adhuc proponendum est, gladii (d) poenam ei irrogari, qui per magum futura exploraverit. (d) L. 5. C. h. t. verb. ac magus, quicumque.

§. LXV.

Confecimus, quæ de magis eorumque supplicio legibus constituta sunt, nunc *ad ceteros similes* oratio descendit. Curæ nobis fuit, ut investigaremus, quos *ceterorum similibus* nomine leges significant, & expeditimus, Aruspices, ariolos, vates, tandemque omnes, qui divinandi ardore flagrant, in numero eorum collocari. Ceteros autem similes (a) æque ac Mathematicos, gladio leges subijciunt. (a) L. 5. supplicio capitis gladio ultore. Neque istam mortem declinabunt, quorum (b) rogatu *a ceteris similibus* oracula fuerint edita. (b) verb. nemo aruspicem consulat, nemo ariolum. Quamvis enim lex, si verba ejus intueamur, illos tantum capite multet, qui ariolum, aruspicem aut mathematicum de rerum eventu percunctati sunt: nos tamen remur, eodem supplicio omnes, qui de futuris solliciti ceteros adierunt similes, afficiendos esse. Etenim qui consulit augurem aut alium quemvis, ille idem delinquit, ac si a Mathematiko, quid sibi in posterum portendatur, expiscatus esset. Leges quoque, cum in eo elaborent, ut omnem divinandi libidinem hominibus extorqueant, con-

cessa a legis poena excusatione, si quis ope alius, quam mathematici, aruspici, aut arioli ad futura prænoscenda usus sit, capitis supplicium frustra minarentur. Nec mitiorem pronuntiari sententiam jubent leges, si quis de leviori & domestico negotio a *ceteris similibus* prædictiones evocaverit.

§. LXVI.

- Postulat ratio instituti, ut verba ejusdem legis *augurum & vatum prava* (a) *confessio conticescat*, paucis explicemus. Quæ disciplina fuerit augurum, quæ vatum scientia, constat. *Confessionis* autem verbi hoc in loco inusitata fere est significatio. Cum enim alias (b) *confiteri & profiteri* hoc distent, quod *profiteri* sit voluntatis, *confiteri* vero necessitatis, illique (c) *confessi* dicantur, qui fati id, quod ab his quæsitum est, confessionis tamen vocabulum, si mentem legis contemplemur, vim eandem cum verbo professionis tenet. Quid autem sibi velit professio, iterum (d) recensere non vacat. Fatemur equidem, nos, hac interpretatione usos, nulla tere exemplorum niti auctoritate, sed sola perpelli legis ratione atque sententia. Fortasse tamen leges *confessionis* vocabulum ariolis ideo attribuerunt, quod (e) *confiteri ac profiteri æque honestum non sit*.
- (a) L. 5. C. h. t. l. 4. C. Th.
(b) NONIUS MARCELLUS de propr. Sermon.
(c) VARRO de lingua latina.
(d) vide §. 56.
(e) NONIUS MARCELLUS.

§. LXVII.

- Gravius vero plectitur Haruspex, qui (a) in alienas aedes intrare ausus est. Igni enim concremari jubetur. Nec præsidio erit saluti ejus, quod (b) amici salutandi, aut etiam alia causa in domum alterius se contulerit. Quæ severitate, (c) quæ profecto summa est, Constantinus sine dubio
- (a) L. 3. C. h. t. L. 1. C. Th. h. t.
(b) L. citat. verb. *alteram ob causam amicitia quamvis vetus repellatur*.
(c) L. 28. ff. de poen. pr.

dubio voluit impedire, quo minus haruspices, (d) quos publice tantum adire & consulere erat permissum, a se-
ditiosis acciti, clam sui facerent copiam, occasionemque suppeditarent, de imperatore summaque republica, remotis arbitris, inquirendi. Hoc enim palam pereunctari, quia cum maximo erat conjunctum periculo, haud facile quis conabatur. Neque lex ullam hic personæ (e) dignitatem respicit, quamvis plerumque (f) igni necentur servi, qui Dominorum suorum salutem infidias struxerint, nonnunquam etiam liberi plebeji & humiles.

(d) L. 1. 2. C. Th. h. t.
L. 1. C. Th. de pag.
Sacrif. & templ.

(e) Exemplum in L. 2.
C. de fals. moneta.

(f) L. 28. ff. de pœn.
§. 11.

§. LXVIII.

Amplius lex cavet, *nullus sacerdos, nullus eorum, qui huic ritui assolent ministrare, ad limen alterius accedat.*

Omnibus patet, sacerdotibus eorumque ministris interdicti, ne in alienas possessiones sese insinuent. De pœna autem, quæ eis irrogatur, non liquet. Nos autem de hac tota re sic existimamus. Si sacerdos simul haruspici-

næ (a) artem calleat, ipse quidem, si privatim operam suam alicui præstiterit, aut alienum intraverit domicilium, igne exstinguendus est, ministri autem ejus, quia, quam pœnam persolvant, expressum non est, a iudice ad arbitrium castigabuntur. Sin vero expers haruspicinæ

(a) L. citat. verb. *haruspex.*

sacerdos, nihil de eo, quod exta protendant, protulerit, (b) sacra tamen fecerit, simul cum ministris suis gladio substernetur. Sin autem neque haruspicis munus sacer-

(b) L. 1. 7. de pag. sacrific. verb. *ac ministri sacrificior.*

dos obierit, neque sacris operatus sit, sed alia mente, amici conveniendi gratia, alienam (c) habitationem introie-

(c) L. 3. verb. *nullus sacerdos.* C. h. t.

rit, illum quidem puniendum, sed levius esse arbitramur. Iudex igitur aut ipse in eum animadvertet, aut si res illi

potior videatur, quam ut in ea suum sequatur iudicium,

rei-

reipublicæ Principem, quid de reo statuendum censeat, interrogabit.

§. LXIX.

- Iste etiam, qui haruspicem præmiis vel suasionibus in suam domum pellexit, (a) bonis publicatis in insulam deportabitur. Verum tum demum hoc peccatum ita cohibetur, si non accesserit aliud facinus, quod gravius coercendum sit. Etenim qui de eo, quod spei suæ tribuere possit, certior factus est, hac lege gladii poenam a suo capite non (b) avertet. Deinde, si quis ad lares suos haruspicem aut sacerdotem ideo arcessiverit, ut sacris illi operarentur, sacris factis, fortunis spoliatus, summum (c) cum aruspice aut sacerdote, eorumque ministris subibit supplicium. Causa, quæ Augustorum iram adeo in haruspices acuebat, ut etiam consuetudo cum illis tantum afferret periculi, supra a nobis indicata est. Quæ autem sententia de eo dicenda erit, 'qui aruspicem quidem non rogavit, ut ad ipsum diverteretur, aruspicem tamen, sua sponte venientem (d) non statim rejecit? Animadversione eum omnino dignum judicamus, verum (e) deportationi in insulam, & ademptioni bonorum locum esse pernegamus.
- (a) L. citat. 3. C. h. t.
- (b) L. 5. h. t. verb. *nemo haruspicem consulat.*
- (c) L. 7. C. de pag. sacrif. & templ. verb. *conscii.*
- (d) L. 3. verb. *quamvis vetus amicitia repellatur.*
- (e) L. cit. verb. *suasionibus vel præmiis.*

§. LXX.

Negat præterea Constantinus delatorem esse eum habendum, qui haruspicem, aut illum, qui cum haruspice clam congressus est, in iudicium rapuerit, sed e contrario Imperator (a) unumquemque ad flagitia hæc indicanda, spe præmiorum, invitat. Quod equidem alias, verum haud ita frequenter (b) factum est. Cum enim genus illud hominum, quod criminationibus variis aliorum

salu-

(a) L. cit. 3. C. h. t.

(b) vide JACOBUM GOTHOFREDUM ad L. 4. C. Th. de accusat. & inscript.

salutem fortunasque tentare consuevit, & delatorum nomen tam ob causam consequutum est, exitio, ut ille ait, sit (c) publico repertum, & a legibus etiam (d) odio habeatur, non potuit fieri, quin imperatores a præmiis eisdem deferendis sese abstinerent. Illud igitur argumentum est, quod Constantinus singularem in haruspices iram conceperat.

(c) TACIT. Annal. L. 4. C. 30.
(d) L. 34. §. 1. ff. de poen. it. C. de delatoribus t. C. de jure filci &c.

§. LXXI.

Cognovimus, quibus suppliciis *mathematicorum, maleficorum, flagitia denique ceterorum similium* ab imperatoribus reprimantur. Cum autem maleficia impunita esse non oporteat, quo gravius crimen patratum erit, eo acriorem in illo indagando eruendoque judex curam collocabit, ut facinorosi (a) homines deprehenfi, temeritatis suæ poenas luant, legesque tam severas non frustra esse conditas, experiantur. Judex itaque si quid peccatum est, in locum, tempus & cetera, quæ cum delictis conjuncta esse solent, animum diligenter intendat, alia conquirat argumenta, (b) quibus auctor facinoris reddatur manifestus, testes adhibeat, (c) quid eis tamen credendum sit, sedulo ponderet, conditionem tandem illius, (d) quem scelus admisisse suspicio est, contempletur, & his omnibus cum cura inter se comparatis, quid faciendum sit, prudenter constituat. Confilio igitur ex re capto, si res illud postulare videatur, tormentis etiam reum afficiat, quorum cruciatus (e) Mathematicis inprimis, (f) maleficis & (g) ceteris similibus Imperatores minitantur.

(a) L. 13. pr. ff. de offic. Præsid.

(b) L. 8. §. 1. C. de Quæst.

(c) L. 1. 3. ff. L. 5. C. de test.

(d) L. 7. §. 3. ad Leg. Jul. maj.

(e) L. 7. C. h. t. verb. *mathematicus*. L. 6. C. Th.

(f) L. citat. verb. *magus, qui maleficus*. L. 6. C. Th.

(g) L. citat. verb. *occultans aliquam artem divinandi, aut horum simile quid exercens*. L. 6. C. Th.

§. LXXII.

Judici tamen, si per carnificem veritatem explorare cogitur, magna est consideratione opus. Etenim ut prætereamus, non facile, nisi in (a) *causa capitali* &

(a) L. 8. ff. de quæst.

(b) L. citat. pr.

(c) L. 18. §. 2. ff. de
quæst. L. 8. §. 1. C. de
quæst.

(d) L. 1. §. 17. ff. de
quæst.

(e) L. 1. §. 27. ff. de
quæst.

(f) L. 16. C. de pœn.
*sic in objecto flagitio
deprehens.*

(g) L. 9. ff. de quæst.
L. 12. 18. C. de quæst.

(h) L. 3. §. 1. C. de
quæst.

(i) L. 8. C. §. 1. de quæst.

(k) L. 16. C. h. t.

(l) L. 4. C. ad L. Jul.
maiestatis.

(m) L. 11. C. de quæst.
ubi exceptio.

(n) L. 3. ff. de Vetera-
nis. verb. *qui decurio-
nibus.*

(o) L. 4. C. de Decu-
rionibus.

*atroci ad tormenta esse decurrendum, judicantem ta-
men, etiamsi ingens sit scelus editum, non prius a quæ-
stionibus cruentis initium (b) facere oportet, quam (c)
argumentis primo verosimilibus & probabilibus usus, his
velut certis indiciis ad reum cruciandum perducatur.*
Cum enim (d) confessio reorum pro exploratis facino-
ribus habenda non sit, nisi alia certioraque turpitudinis
admissæ signa accedant, neque sit illi semper fides ha-
benda, *qui (e) ultro de maleficio fatetur*, quoniam homi-
nes metu sapius, aut alia etiam de causa, multa in se fin-
gunt, temere profecto excrucietur, qui tortus & con-
fessus, inopia (f) alius probationis, supplicio affici non
posset. Hoc deinde considerandum est, quo loco sit,
quem judicans tormentis subicere cogitat. Facilius
enim servi torquentur, & ii nonnunquam (g) *in causis
pecuniariis*, quam liber homo, cui, (h) nisi gravius quid
perfecerit, tanti dolores non sunt perferendi. Et prorsus
ita opinamur, libera adhuc civitate Romana, Romanum
civem a cruciatibus semper fuisse immunem, cum ea qui-
dem in mentem revocemus, accusatorem tormenta ser-
vorum nonnunquam fuisse minitatum, illud vero igno-
remus; quod liber homo invitatus sit traditus car-
nifici. Verum ut ad rem redeamus, quamvis adsit cau-
sa, quæ alias tormenta illi, qui postulatus est, afferat: iudex
tamen ea tunc demum accusato admovebit, *si persona-
rum (i) conditio hoc patiatur. Etenim capitale est judi-
ci, si (k) decurionem torserit.* A cruciatibus enim de-
fendunt (l) militia, genus, honores. Ad eos, quibus ge-
nus præsidio est, referimus (m) liberos, nepotes, pro-
nepotes eminentissimorum perfectissimorumque virorum,
(n) *veteranorum item (o) Decurionumque filios.* In il-
lis, quos integros a tormentis honores præstant, numera-
mus

mus (p) *eminentissimos perfectissimosque viros*, alios etiam (p) L. 11. C. de quæst. honoribus (q) præditos, ut viros clarissimos atque spe- (q) L. citat. 7. C. de mat. & math. cet. ctabiles. Decuriones, & illos, qui *sunt in* (r) *Imperato-* simil. L. 6. C. Th. h. t. *ris aut Cæsaris comitatu*. Verum hæc omnia ita sunt ca- (r) L. cit. verb. nostro. pienda, ut iudici, nisi a Principe aliud imperetur, (s) atro- (s) L. 4. C. ad Leg. Jul. majest. verb. *incon-* crius quid in tantorum virorum corpora conari jus *sultis*. non sit.

§. LXXIII.

Haud tamen semper militia, genus, muneraque amplissima a tormentis securitatem præstant. (a) Legem (a) L. citat. 7. C. h. t. L. 6. C. Th. h. t. igitur recitabimus. *Etsi excepta tormentis sunt corpora bonoribus præditorum, præter illa videlicet crimina, quæ legibus demonstrantur.* A quæstione enim noluerunt leges rem ullam excusare *mathematicum, maleficum, ceteros similes*, eosque, qui (b) majestatis vel suo nomine postulantur, vel conscii tam atrocis consilii, rem ad Principem non detulerunt. Novimus præterea, posse ex alia etiam causa Decurionem torqueri, si actio instituat (c) de (c) L. 21. C. ad Leg. Corn. de fals. *falso testamento*, quod ille, magistratum adeptus, aut etiam antea scripserit, si denique Decurio adulteratis publicis & privatis instrumentis, in crimen falsi incidat. Verum istam legem posteriore (d) Valentiniani &c. constitutione abrogatam fuisse existimamus. Quando autem (d) L. 16. C. d. quæst. verb. *tantum*. Decurio, (e) qui *pecuniam publicam decoxit*, aut in *ad-* (e) L. 40. C. de Decurionibus. *scriptionibus* publicis fraudulenter versatus est, aut in *ex-* actionibus fuit immoderatio, *plumbatarum subjicitur ictibus*, illæ plagæ (f) in pœnarum numero, non in tormentis habendæ sunt. Reliqua, quæ lex eadem sancit, hæc fere sunt. (g) *Etsi omnes magi, generis humani inimici credendi sunt, quoniam tamen, qui sunt in comitatu nostro, ipsam propemodum pulsant majestatem. Si quis in nostro vel Cæsaris Comitatu mathematicorum,*

maleficorum & ceterorum similium deprehensus & convictus sit, & ad proprium facinus detegentibus, repugnavit pernegando, praesidio dignitatis ille exutus, dedatur equuleo ungulisque latera sulcantibus.

§. LXXIV.

Cernimus, eos cruciatibus non esse affligendos, quos sibi Princeps Comites esse voluit, intelligimus tamen, hoc privilegio Mathematicos, maleficos, ceterosque spoliari similes. Non inveniste Græci comitem per (a) συνδοσιον, ἐταῖρον, συνερατιώτην, comitatum vero per παραπόμπην, συνεκδημίαν & per ἀρχαιρεσίαν verterunt. Solebant enim Principes, viros dignitate insignes rerumque usu præstantes sibi adsciscere comites, non solum ut amplissimorum hominum multitudine circumdati, civibus suis viderentur multo augustiores, sed etiam, ut, illorum (b) opera in republica administranda, in (c) jure dicundo, in gerendo denique (d) bello uterentur. Referimus tamen ad comitatum Principis etiam eos, qui non longe a Principe discedunt, & curam cum dignitate conjunctam susceperunt, quo pertinent (e) Archiater, Decurio Palatii, & alii plures. Hi sunt, quos nomine comitatus, quem per aulam GUTHERIUS, & JACOBUS GOTHOFREDUS explicant, hoc loco Lex complectitur. Alias enim in jure comitatus vox ita late non patet, sed eum indicat (f) confessum, quem Theodosii Codex consistorium Principis vocat, & ad quem, si graviores iudex dixerit sententiam, disceptantibus relicta est (g) provocatio.

§. LXXV

Si quis, ait Lex, in comitatu nostro vel Cæsaris deprehensus sit. Inde consequitur, comitatum etiam ad Cæsarem referri, aliter quam (a) GUTHERIO, Viro doctissi-

(a) LABBÆI Glossarium.

(b) SVETON. in Tit. C. 7.

(c) SPARTIAN. in Adrian. C. 8 idem in Adrian. C. 18.

(d) SVETON. in Tib. C. 46. & alibi.

(e) L. 2. C. quib. non obijc. long. temp. præf. Adeatur GUTHERIUS de officio Dom. August. SALMAS. ad Spartian. Adrian. C. 18. & ad Pollionis 30. tyrannos. C. 12.

(f) vid. inscriptio L. 3. de offic. Jud. L. 12. C. Just. de pœn.

(g) L. 1. C. de his, qui propter met. non appellarunt. Jungatur AMMIAN. MARCELL. L. 28. C. 1.

(a) De offic. Dom. Aug. L. 2. C. 5.

etiffimo, visum est. Tormenta etiam non minus a comitatu Cæsaris atque ab Augusti comitibus depelluntur. Alias enim Constantius *Mathematicos, maleficos, ceterosque similes*, qui in comitatu erant Cæsaris, hoc privilegio verbis disertis non exuisset. Et prorsus cum Jureconsulto eruditissimo, JACOBO GOTHOFREDO, arbitramur, Constantium non tam odio in mathematicos & reliquos, quos toties commemoravimus, incensum, suum etiam comitatum tormentis subdidisse, quam metu Juliani in hanc adductum fuisse sententiam. Julianus enim Cæsar, magnis rebus gestis, majora spectabat, & ex mathematicorum (b) vaticinantiumque auctoritate multum pendebat. Hoc igitur Consilio efficiebatur, ut Julianus, comitatu etiam suo cruciatibus exposito, cum reum nihil a cognitione acerrima tueretur, homines, qui ista auderent, non facile inveniret, aut, etiamsi invenisset, illa tamen scelera non ita facile abderentur. Porro Lex cavet; *Si convictus sit, & ad proprium facinus detegentibus repugnaverit pernegando*. Nulla res cogit, ut hæc verba corrupta esse, & male se habere, cum JACOBO (c) GOTHOFREDO existimemus. Etenim, ut paucis attingamus, in verbo *ad properum* explanando, Virum doctum magna fuisse libertate usum, multoque liberius illum credidisse, *ad properium* esse scribendum, hæc legis est sententia. Si convictus repugnaverit, (d) ad hoc idem est, quod contra, *proprium facinus*, illis, qui, ut legis verbum retineamus, *flagitium illud judici detexerunt*. Repugnare autem contra aliquid, circa aliquid, fuisse Romanis in usu dicendi, norunt fere omnes. Monetur his verbis iudex, ne, quod supra diximus, sine (e) gravi causa ad reos cruciandos moveatur. (f) Etenim *si convictus est*, illud significat,

(b) AMMIAN. MARCELLIN. l. 21. c. 1.
l. 22. c. 1.

(c) ad hanc legem 7.

(d) vid. SERVIUM ad Lib. 2. Æneid. v. 444

(e) vid. §. 71. 72.

(f) vid. L. 16. C. de pœn.

si sit in objecto flagitio sic deprehensus, ut vix etiam ipse ea, quæ commiserit, negare sufficiat, & contra proprium facinus seu scelus, quod conscivit, negando tantum repugnet. Demum Lex ita concludit. *Sit equuleo deditus, ungulisque latera fulcantibus perferat pœnas, proprio dignas facinore.* Torqueri mathematicos & ceteros, pœnasque de illis sumi, Imperatores jubent. De generibus autem cruciatuum, qui hoc loco nominati sunt, ne quid a nobis expectes, quia, quod (g) GALLONIO possumus addere, nihil habemus. Verum si quis cognoscendæ ejus rei cupidus sit, ille adeat Virum doctissimum, qui ejus desiderium satis abundeque explebit.

§. LXXVI.

(g) de Cruciatibus
martyrum C. 3. 5.

(a) L. 8. C. h. t. L. 8.
C. Th. h. t.

Placuit etiam (a) imperatoribus, *culpam esse similem, tam prohibita discere, quam docere.* Prorsus nobis persuademus, capitalem sententiam de illo fuisse pronuntiatam, qui ista flagitia aut ipse perceperat, aut ea aliis tradendo disseminaverat. Huic enim opinioni THEODOSII Codex, in quo hæc lex integra exstat, aperte suffragatur. Hic enim VALENTINIANUS, *cesset, ait, mathematicorum tractatus.* Tractatu mathematicorum omnis eorum continetur disciplina, quæ vel in fatis explicandis, vel aliis eadem doctrina imbuendis, occupata est. *Si qui aut publice aut privatim, in die noctuque deprehensus sit in cohibito versari errore, capitali sententia feriat uterque.* Utriusque voce condemnatur mathematicus, & alter, qui vel de futuro fuit sollicitus, vel arte illa se erudiendum præbuit. Sequitur enim *neque dissimilis culpa est prohibita discere quam docere.* Videmus igitur, Imperatores eandem docentium & discientium facere conditionem, & *utrumque* eadem pœna censere dignum. Verum tamen, cum Justinianus capitis pœnam,

nam, quam Valentinianus antea constituerat, huic detraxerit legi, nec certo reprimat suppletio, cum hos, qui istis artibus alios imbuunt, tum illos, qui hisce studiis initiantur, credimus, eorum coercendorum facultatem iudici fuisse relictam. Quin tamen hanc rem acrius iudex debeat vindicare, non negamus. Etenim qui artes istas docet, plus committit, quam qui alteri de re futura respondet. Ille enim, qui aliis impertit horum studiorum cognitionem, non efficit solum, ut discens ipse fata possit sibi explicare, sed illum etiam idoneum reddit, ut aliis simile docendi respondendique officium possit exhibere. Pari modo eum vehementius censemus esse plectendum, qui in cognoscendis hisce præstigiis operam posuerit.

§. LXXVII.

Judex porro (a) corrumpere jubetur *libros impropriae lectionis*, magicos & his similes. Magno autem crimini (b) quondam datum est possidere codices, legi prohibitos. De libris magicis ita PAULLUS, (c) *libros*, ait, *magicæ artis apud se neminem habere licet: & si penes quoscunque reperti sint, bonis ademptis ambustisque his publice, in insulam deportantur, humiliores capite puniuntur.* Valentinianus (d) juvenem, qui *Codicem noxiarum artium descripserat*, morte affecit. Eunomianorum occultare scripta, Arcadius æque capitale esse voluit, ac si (e) quis *noxium Codicem, maleficiique crimine conscriptum* retinuisset. Qua ex re insignis librorum jactura orta est. AMMIANUS enim, (f) *congesti sunt*, ait, *innumeri codices, & acervi voluminum multi sub conspectu iudicum concremati sunt, ut illiciti, ad leniendam cæsorum invidiam, cum essent plerique liberalium disciplinarum indices variarum & juris.* Quin etiam, cum plures eo nomine interirent, quod *incantamina quedam anilia*, vel

(a) L. 4. §. 1. ff. fam. herciscundæ.

(b) L. 6. C. de hæret.

(c) L. 5. t. 23. §. 18. al. 12. sent. ad Leg. Corn. de Sic. & Venef.

(d) AMMIAN. MARCELL. L. 28. C. 1.

(e) L. 34. C. Th. de hæret.

(f) L. 29. C. 1. in fin.

lu-

(g) ad. L. 29. C. 2.

ludibriosa tenerent amatoria, cum tamen ea ipsa saepius subderentur, effectum est, ut (g) per Orientales provincias omnes metu similium omnia exurerent librario illud addimus, Justinianum poenam octavam de eo, qui tales sibi libros servaverit, nullam statuuisse.

§. LXXVIII.

(a) L. 1. §. 3. ff. de obsequ. Parent. & Patron. HARMENOPULUS in *περοχέειν* L. 1. t. 16. n. 2.

(b) Nov. 115. C. 4. §. 2. HARMENOPULUS in *περοχέειν* L. 5. t. 9. n. 59.

(c) argum. Nov. 115. C. 3. §. 4.

(d) L. 3. C. de episcopo. pal. aud. L. 3. C. Th. de indulgent. crimin.

(e) L. 2. C. quorum appellat. non recipiuntur. L. 1. C. Th. eod. t.

(f) L. 8. C. d. repud. L. 1. C. Th. h. t. verb. *medicamentarius*.

(g) §. 1. I. d. publ. jud. vid. L. 1. ff. eod.

(h) L. 8. 9. ff. de accusat. & inscript. §. 1. Inst. de publ. jud.

(i) L. ult. C. h. t. vid. §. 63.

Varii denique ex eis criminibus nascuntur effectus. Ita filius, qui patrem & matrem, a quibus se educatum dicit, (a) maleficos appellaverit, indignus militia judicandus est. A filio exheredari possunt parentes, qui saluti ejus (b) venenis vel maleficiis insidias struxerunt. Parenti etiam, ut a bonorum successione filium excludat, justam hoc (c) flagitium causam suppeditat. Malefici porro (d) & qui sepultos quiescere quadam sceleris immunitate non sinunt, cum vinculis multos solvere solennibus Paschatos imperatores solerent, hujus beneficii non erant participes. (e) Provocatio denique maleficiorum, qui argumentis convicti, testibus superati, voce etiam propria scelus confessi sunt, non admittitur. Sic femina, (f) quæ maritum veneficum esse probaverit, a viro, soluto matrimonio, potest discedere. Publicum autem crimen committere magos, ex eo est perspicuum, quia Lege Cornelia innaturatur. (g) Unicuique igitur, modo discedamus ab his, quibus (h) leges hoc expresse denegant, magi postulandi erit facultas, id quod etiam, nisi poenam experiri velit, hujus rei conscio erit (i) necessarium.

§. LXXIX.

Leges, ut speramus, satis explanavimus. Nunc stat sententia, paucis exponere, quomodo ex his legibus de *mathematicorum, maleficorum ceterorumque causa similium* judicandum sit. Omnes enim consentient, Jureconsultum,

tum, quamvis ille mentem legis optime noverit, sapius tamen laborare, quando de negotio judicandum est. Etenim tam multa, quæ circumstantiarum nomine efferimus, in omnibus rebus sunt considerata, tantumque illa momenti ad causas afferunt, ut earum haud raro mutetur conditio. Id quod in (a) criminibus maxime accidit. (a) Vid. L. 16. ff. de pœn. Quo igitur, ut diximus, accuratius declaretur, quid de criminibus *mathematicorum* & *reliquorum* ex jure Romano sit statuendum, paucis de hac universa re agemus.

§. LXXX.

Certum illud est, (a) *cogitationis pœnam ferre neminem*. (a) L. 18. ff. de pœn. Verum si cogitationem scelestam actio consequatur, quæ ad patrandum facinus, animo propositum, spectat, jam in alium res locum devenit. (b) Horum enim, quorum animus facinore quodam prorupit, duo sunt genera. Horum alterum, priusquam facinus perpetret, (c) impune potest relipiscere, alterum vero non item, præsertim si res cogitata adeo fuerit turpis, ut etiam consilium puniri debeat. Cave autem existimes, sermonem hic de ea esse pœna, quam lex, flagitio commisso, secum affert, sed agitur hic saltem de aliqua animadversione, qua ob exemplum judices pro arbitrio uti consueverunt. (d) Quis enim ex lege (e) Cornelia capitis condemnet, aut in insulam deportet eum, qui cadis faciendæ causâ sicam arripuit, postea tamen, sica abjecta, tam turpe consilium deseruit? Quis in insulam eum deportandum credat, qui testamento falso (f) scripto, signato, illud, justî rectique memor, postea confestim delevit? (h) Quin lege Pompeja de parricidiis is culeo involvitur, qui emit venenum, ut patri daret, quamvis non potuerit dare. (i) Verbum autem *potuerit*, indicium est impedimenti alicujus, quod extrinsecus advenit. Cum igitur illa vox excludat eos, qui potuerunt quidem, sed noluerunt, consilio opportune

mutato, parricidii admittere flagitium, quo majori possumus niti argumento, & ratiocinari, non eandem esse conditionem eorum, qui a sententia tam nefaria statim discesserunt cum illis, quorum consilium casu disturbatum est. Itaque, ut paucis rem comprehendamus, eos quidem, qui tam nefaria aggressi sunt, opportune tamen resipuerunt, plectendos esse autumamus, verum non illa poena, quæ legis, in quam inciderunt, propria est, sed pro eo, quod iudici æquum esse videatur. (k)

§. LXXXI.

Et hæc de iis, quos tentati facinoris tempestive poenituit. Illorum vero, qui in facinore perseverarunt, duplex iterum nobis videtur esse conditio. Ita lex supplicio afficit eum, (a) *qui cum telo hominis occidendi gratia ambulaverit, qui in testamento perfecto legatum sibi adscripserit, (b) quamvis legatum inutile fuerit, poenam definitam incurrit, qui venenum emerit, ut patri daretur, (c) quamvis non potuerit dare, parricida est. Verum cum interpretatione legum poenæ (d) molliendæ sint potius quam asperandæ, & eventus a clementissimo quoque spectetur, existimamus (e) ob exemplum animadversiones horum malefactorum esse exacerbatas nec, cum de alio crimine quaeritur, ea ad consequentias esse producenda, nisi forte aliud a legibus diserte sanciat, & hodie in usu sit. (f) Itaque ille, qui mathematicum, magum & ceteros similes de re futura consulere voluit, postea tamen, commutato animo, opportune eorum operam repudiavit, gladio trucidandus non est, quamvis non inficiemur, rem, ut verba legis repetamus, ita videri turpem, ut etiam consilium puniendum sit. Iudex igitur pro eo, quod admissum est, in illum animadvertet. Deinde, si quis per alium, cui hoc commiserat, de fato certior fieri voluit, ille tamen, cui res mandata erat, mathematicum &c. non adierit*

(k) P. 4. C. El. 2. ibique CARPZ. d. ult. & Pr. Cr. q. 49. n. 46. seq.

(a) L. 1. ff. ad L. Cornel. de sic.

(b) L. 8. C. ad L. Cornel. de falsis.

(c) L. 1. ad Leg. Pompej. de parricid. l. 42. ff. de poen.

(d) L. 16. §. 8. ff. de poen.

(e) L. 16. §. ult. de poen.

(f) L. 5. C. ad L. Jul. Maj. l. 3. C. d. Apostat. p. 4. C. El. 2. pr. CARPZ. Pr. Cr. q. 49. n. 71. seq.

adierit, credimus, facto procuratoris, qui rem omisit, mandantem a periculo capitis liberari. Illud modo notandum, satis deliquisse, nec a capitis periculo defendi posse eum, qui mathematicum consuluit, quamvis responsum nullum acceperit. Etenim, cum homicidium committere, cum incendium, cum furtum quis facere voluit, hæc non possunt plenum habere eventum, nisi homine occiso, aut incendio excitato, aut re aliena domino erepta. Hoc autem quis neget fieri non posse, si *mathematicus, magus, &c.* respondere de fato recusaverit. Quin perspicuum est *respondere ad consulere* non pertinere, sed hæc duo diversa esse delicta, quia *mathematicus &c.* si responderit, in insulam exponitur.

§. LXXXII.

Simili modo *Mathematici, malefici & ceteri similes*, poenam deportationis aut capitis non sustinebunt, si interrogati de fato, responsum quidem ferre velint, postea tamen, spretis ineptiis, sui non faciant copiam. Existimamus etiam, si Mathematici & reliqui &c. per alium respondere cogitent, ille tamen, cui res demandata est, responsum ad interrogantem non deferat, non posse eos supplicio legis coerceri. Res enim eventu caruit. A iudice tamen, prout ei æquum esse videatur, (a) castigandos opinamur. Magos etiam, qui aliis nocere voluerunt, nihil tamen intulerunt detrimenti, a peste ferali (b) excusandos arbitramur. Hæc est norma, quæ nobis servanda videtur, cum de delictis instituta est quæstio, & ex qua putamus, de omnibus *mathematicorum* causis optime posse judicari.

(a) arg. l. 3. ff. de h. q. infam. not.

(b) jungat. l. 4. C. h. t. verb. *deflexisse detegantur.*

§. LXXXIII.

Verum a jure Romano patria nostra multum recessit. Mathematici enim, qui, ut diximus, (a) ex fideri-

(a) Ordinat. Politica tit. 3. §. 8.

(b) Constit. Elect. 2.
part. 4. §. 2. verb.
Bündnisse zu schaffen
hat.

(c) vid. CARPZOV.
in Practic. Crim. part.
1. quæst. 50. n. 48.
Constit. Elect. 2. p. 4.
§. fin. verb. Gesprä-
che oder dergleichen.
(d) Constitutio Ele-
ctoralis 2. p. 4. §. Do-
aber.

(e) Constit. Elect. 2.
p. 4. §. fin. Ordinat.
Politica 3. §. 7.

(f) Ordinat. Politica
El. Sax. tit. 3. §. 8.

(a) vid. inprimis
CARPZOV. in Pract.
Crim. part. 1. quæst.
48. seq.

bus, somniis, & numeris &c. conjecturam de fato ineunt, a
judice pro eo, quod commiserunt, sunt corrigendi. Cum
mago autem vehementius agitur. Etenim, (b) si forte
magus paciscatur foedus cum Dæmone illo, quem ut ho-
stem humani generis merito averſamur, aut si ille cum
Dæmone rem habuerit, igni comburitur. Magus deinde,
qui societatem quidem tam impiam non iniit, (c) com-
mercium tamen habuit cum Dæmone, capite plectitur.
Ille etiam, qui tam scelestæ arte usus, aliis nocuit, modo
ne foedere cum Dæmone juncto, aut alia ratione gravius
supplicium mereatur, (d) gladio subjicitur. Magus de-
nique, qui, ut ita loquar, (e) per cryſtallum, seu per
aliud quidvis cum Dæmone loquitur, & vel futura aut
alia etiam explorare ab illo conatur, gladio interficitur.
Magus vero, qui, quod per Cryſtallum fieri dicunt, di-
vinavit tantum, & nihil præterea cum Dæmone commer-
cii contraxit, pro eo, quod judex arbitretur, (f) castigandus est. Neque minus de *ceteris similibus*, & de eis, qui
mathematicos, maleficos ceterosque consuluerunt *similes*,
aut qui magorum opera in re leviori adjuti fuerunt, ex
re ipsa constituat.

§. LXXXIV.

Satis de eo, quod apud nos de his flagitiis cautum
est, actum esse existimamus, siquidem hæc ab (a) aliis
sunt & sæpius & uberius pertractata. Multa etiam pas-
sim nos dixisse meminimus, quæ in Saxonia usui esse pos-
sunt. Illud modo teneamus, magnam judici adhibendam
esse prudentiam, cum de magis instituitur quæstio.

Hæc habuimus de mathematicis, maleficis,
& ceteris similibus.

AD

PRÆNOBILISSIMUM ATQUE
PRÆCLARISSIMUM
DN. WINCKLERUM,
AMICUM SUUM LONGE
HONORATISSIMUM
PRÆSES.

Sapientissime L. Annæus Se-
neca (a) negat posse fieri, ut
cum grandine quis pacisca-
tur, & tempestates munu-
sculis redimat, adeoque merito miratur judi-

I 3

cio

(a) Natural. quæst. lib. 4. c. 7.

cia quondam in illos reddita, quibus delegata erat providendæ tempestatis cura, quod negligentia eorum vineæ vapulassent, aut segetes procidissent; proinde prudentissimam addit censuram, monendo, rudem adhuc antiquitatem credidisse, & attrahi imbres cantibus & repelli, quorum nihil fieri posse tam palam sit, ut hujus rei causa nullius Philosophi schola intranda sit. Scilicet, Gentiles, divinam veritatem aspernati, in gravissimos inciderunt errores, ac fabulis commentisque occupati, lumen rectæ rationis obscurarunt, id quod densissimis viam aperuit tenebris, & a Privatis ad Rempublicam perniciosissime penetravit. Cum igitur auguriorum ac vaticinationum materia

teria ad viles æruscatoresque translata esset, irreparabilis hinc nata est publicæ salutis jactura; maxime Juliano, Apostata, antequam, morte violenta, quam meruerat, imminente, vicissè Christum fateri cogeretur, pestilentissime virus suum disseminante. Itaque, quoniam maleficorum turba obscuritati involvebat ausus suos & Christiani Imperatores justissimæ, quam Deus huic hominum feci destinaverat, vindictæ invigilabant, emerfit, etiam ex ipsis verbis, passim difficultas, cui superandæ non nisi antiquitatis & Critices studiosissimus parerat. Proinde hæc cura Tuam desideravit, quam in otio negotioso præstares, opem ac patientiam, & felicitatis Christianorum

*norum §. 41. seq. admirationem ac depræ-
dicationem. Qua in re Theodosianus Co-
dex Tibi fuit insigni, ex quo lumen va-
riis textibus Juris affunderes, adjumen-
to. Perge literarum momentis & Publico
Bono fidem Tuam consecrare, ut orbis eru-
ditus & Resp. Tuis laboribus sala-
tariter perfruatur.*



